



सानसेयारि बड'सा

सानसेयारि "बड'सा" ख्रौलाइयाव अमाजयारि जिजो लोळा थानाय रायथाय, अन्थाय, अल, अल'बथा आबो दावबायारि थावनि, पार्क बाइदिनि सायाव लिन्नाय लिन्निदां दैथाय हर/सानसेयारि "बड'सा" ख्रौलाइया खेबखानानि फोसोवगोनो।

बड'सायाव लिन्नायनि हुवा खालाम, "बड'सा" ख्रौ नोथां, जौ बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राइार, बिसि-783370

Website: www.bodosanews.com

BODOSA ★ A Bodo News Daily ★ Sunday ★ 9 February, 2025 Kokrajhar, BTC, Assam ★ Vol.- 33, Issue No. 310 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-



आसाम पस्तेल सार्केल

☑ ☎ @cpmgassam

बाडाइ होनाय

गोबां मोनफिन्नाय

पस्तेल लाइफ इन्सुरेन्स

पलिसिआव जेबो जेना गैया जासे लननि खाबु

नोंथानि सुविदा बायदियै प्रिमियम होनायखौ सायख' : अनलाइन/एनएसएइएस/दुर स्टेप/आइपिपिबि राहाफोर

पस्तेल डिभिजननि फोनोजाब फोरमायथि: सार्केल अफिस: 943512802/6026177547; काछार: 8135934745, वर: 7002512686, डिब्रुगड: 8134828687,

गवालपार: 8638175215, गुवाहाटी: 7002458998, नगाव: 9706657595, नलबारि-बरपेटा: 9707461440, शिबसागर: 9101902308, तिनिचुकिया: 9101587077

पलिसि बायनो थाखाय एबा वासिने मिबथिनो थाखाय

पस्टइन्फ 'एलिकेसनखौ डाउनलड खालाम



मुम्बाइयाव माखासे उद्यगगिरिफोरखौ गिबि मन्थि ड० हिमन्त बिश्व शर्मा आ लोगो हमदों

एडभान्टेज आसाम 2.0 खौ लानानै जेएसडब्लिउगुपनि मासिगिरी, वेलस्पन वाल्डनि मासिगिरी आरो एशार गुपनि लेडाइ मासिगिरीखौ गिबि मन्थि आ लोगो हमदों

दिसपुर, 8 फेब्रुवारि: गोजो थोखोनि उद्यगगिरि आरो इनभेस्ट खालामगिरिफोरनि बाहागो लाफेनायजों फेगो 'एडभान्टेज आसाम 2.0' आयदाफारिनि इन्भेस्ट आरो गुदि बिधा जथुम्माखौ जाफुसार होनायनि बाहागो महैरे आसामनि गिबि (□ 6 बिलाइआव)



दिल्ली बिधान सभा बिसायख'थिनि फिथाइ

27 बोसोरनि उनाव दिल्ली राइज्यो आ बिजेपिनि कब्जायाव

बारग' गिबि मन्थि अर्बिन्द केजरवाल, मनिष सिशडियामोनहा जेन्नादों

गोदान दिल्ली, 8 फेब्रुवारि:

थानाय 5 फेब्रुवारिखालि खुंजानाय मोन 70 मासिनि दिल्ली बिधान सभा बिसायख'थिनि फिथाइखौ दिने फोसावबाय। दिल्ली बिधान सभा बिसायख'थिनि फिथाइ फोसावनायनि उनावदिने दुलाराय हादतनाडे भारतीय (□ 6 बिलाइआव)



साहित्य अकादेमि आरो बर' आइजो लिर्गिरि गौथुमनि बान्जायनायाव बां रावआरि आइजो खन्थाइगिरि मेल खुदों



कक्राइार, 8 फेब्रुवारि: साहित्य अकादेमि आरो बर' आइजो लिर्गिरि गौथुमनि जुथायै बान्जायनायाव दिने 8 फेब्रुवारियाव बां रावआरि आइजो खन्थाइगिरि मेल खुफुनाय जायो। हाबाफारियाव खन्थाइ फरायथियो असमीया रावनिफ्राय मलया डेका, मिज' रावनिफ्राय जथानि खियाते, हिन्दी रावनिफ्राय राजस्त्रि चक्रबर्ती, राभा रावनिफ्राय तरलता राभा आरो बर' रावनिफ्राय समाइना बाला ब्रह्म। हाबाफारिखौ (□ 6 बिलाइआव)

भेरगाव बियाबआव आसाम आइन आफादनि बुंथिगिरि बिस्वजित दैमारिनि मख'जाथाव जौगाथायनि खामानि

पावका लामा आरो गुबुन गुबुन बिथांखि लुफुंनायनि अन्याइ खाम्फा बेखेवदों

बड'सा थान्दै/उदालगुरि, 8 फेब्रुवारि: उदालगुरि जिल्लानि 64 नं पानेरि बिधान सभा बियाबनि एम एल ए थामहिनुआ आसाम आइन आफादनि बुंथिगिरि बिस्वजित दैमारिआ थानाय माखासे बोसोर सिगां समफोरनिफ्रायनो गावनि बियाबनि जौगानाय आरो राइजो-राजाफोरनि मुलामफनि थाखाय धाद'नाय गैयै बिथांखिफोर मावफुंगिसिनो (□ 6 बिलाइआव)



थानायखौ नुनो मोदों। बिथानि नाजानाय धाद'नाय गैयै गोबां थार बिथांखिफोर (□ 6 बिलाइआव)

"बर' थुनलाइयाव गुनेस्वर मुसाहारिनि बिहोमा" आयदानि सायाव सावराय जथुम

साहित्य अकादेमि आरो बड'लेण्ड मुलुग सोलॉसालि बर' बिफानआ बान्जायदों

कक्राइार, 8 फेब्रुवारि:

साहित्य अकादेमि आरो बड'लेण्ड मुलुग सोलॉसालि बर' बिफाननि बान्जायनायाव दिने 8 फेब्रुवारिखालि बड'लेण्ड मुलुग सोलॉसालियाव "बर' थुनलाइयाव गुनेस्वर मुसाहारिनि बिहोमा" आयदानि सायाव मोनसे मेहेरगोनो सावराय जथुम खुफुंजालाडे। हाबाफारि बायदियै फुंबिलियाव रुंसार (□ 6 बिलाइआव)



थुनलाइगिरि साहित्य अकादेमि बान्था मोनगिरि गुनेस्वर मुसाहारिनि सावगायिआव बिबार (□ 6 बिलाइआव)

बिटिआरनि दर 5 जिल्लाफोरनि थाखाय कक्राइारआव एडभान्टेज आसाम 2.0 नि मावबादा खुदों

कक्राइार, 8 फेब्रुवारि: बड'लेण्ड टेरिटोरियेल रिजन (बिटिआर)नि दर 5 जिल्लाफोर फारिये- कक्राइार, चिरां, बाक्स, उदालगुरि आरो तामुलपुर जिल्लायाव दारिमिनगिरिफोर आरो रां बाहायनायनि सायाव नोजोर होनानै दिने कक्राइारनि चान्दामारिआव थानाय बड'लेण्ड (□ 6 बिलाइआव)



बिसिनि बारग' लेडाइ गाहाइ मावफुं सोद्रोमा खाम्फा बरगायारिआ इउपिपिएलआव हाबफेबाय

चिरांनिफ्राय रबिराम

बरगायारि, 8 फेब्रुवारि: बि टि सिनि बारग' लेडाइ गाहाइ मावफुं सोद्रोमा आरो बि पि एफ दोलोनि बारग' दैनेगिरि खाम्फा बरगायारिनि राजखान्थि फोथाय दिग्राय लामा। हाग्रामा महिलारि दैनेनाय बि पि एफ दोलोव थानानै गोबाव बोसोर सम बि टि सिनि लेडाइ गाहाइ मावफुं (□ 6 बिलाइआव)



सोद्रोमा महैरे राइजो राजाफोरनि, बि टि सिनि खामानि मावबोनायनि उनाव दिने गोदान राजखान्थि दोलोजों राजखान्थि फोथाय दावबायनो ओंखारदों खाम्फा बरगायारिआ। बि पि एफ दोलो नागानायनि उनाव दिने मेहेर गोनो हाबाफारिनि गेजेरजों (□ 6 बिलाइआव)

मन्स सरुपेतानि माहारियारि फावथिना गौमायाव बिटिआरनि बुंथिगिरि कातिराम बर'आ बाहागो लाफेदों



भबानिपुर, 8 फेब्रुवारि: 'आथिखालाव समाजनि साफ्रोमबो गोदान जोलेनि गेजेराव गोजोन, गोरोबलायनायनि सान्नाय-हनाय सानस्त्रिखौ सोरजिनो

मोनसे गोखों सोमावसारनायनि गोनांथि जाबाय। गेदेर आसामखौ गेदेत आसाम महैरे गायसन्ना लाखिनो, गुबुन गुबुन हारि-हारिसानि गेजेराव गोजोन, गोरोबलायनायखौ थि लाखिनो (□ 6 बिलाइआव)

गुबुन मोनसे बिजोड जाबाय हारिमु। बेबायदिनो फावथिना हारिमु आ समाजनि सावगायारिफोरखौ रोखा महशव दिन्थिफु डो। फावथिनाया आबुथि गोनां, सान्थौआरि, आध्यात्मिक समाजखौ फोथांनो लाखिनो खावलायनाने मदत होयो।' बेबायदि बिबुंथिखौ बिटिआर सरकारनि बुंथिगिरि कातिराम बर'आ 'मन्स सरुपेट' नि बान्जायनायाव सरुपेटयाव श्रीमन्त शंकरदेब फावथिनासालियाव खुंजानाय (□ 6 बिलाइआव)

राइज्यो बेंगिरिआ एसामिस अफ दा इयार आरो लाइफ टाइम एचिभमेन्ट बान्थाखौ अनुराधा शर्मा पुजारि आरो दैपेन बरवानो गथायबाय खौरां बिजोंनि गोहोआ समाजआव दाजाबथायारि सोलायनाय लाबोनो हायो: राइज्यो बेंगिरि

गुवाहाटी, 8 फेब्रुवारि:

राइज्योनि राजथाननि नोगोर

गुवाहाटीआव दिने बेलासिआव खुंनाय प्राइड इस्थ कनक्लेभ-

2025 हाबाफारिया जाफुंसारै जोबलांबाय। बे हाबाफारिनि गेजेरजों आसामनि मुदांखा खौरांगिरि आरो सादीन खौरां बिजोंनि गाहाइ सुजुगिरि अनुराधा शर्मा पुजारिनो एसामिस एफ दा इयार बान्था आरो गेदेमा मेथाइ रोजाबगिरि दैपेन बरवानो लाइफ टाइम एचिभमेन्ट बान्थाखौ होनाय जायो। दिनेनि बे प्राइड इस्थ कनक्लेभ-2025 नि हाबाफारियाव गाहाइ (□ 6 बिलाइआव)



जेका विगुर सानखानाय, गुरिस्ट सानखानाय एबा आथि आफा गावनाय जेना खालामो



अब्ला सभ लिननि

गुरे मुलायम क्रिमआ

बिगुराव

थिटामिन होयो, जॉनाय लाबोयो

आरो मोखानिफ्राय दागोफोरखौ जानगाार खालामो



बिनिखायनो सभ 'लिननि' क्रिमखौ सानफ्रोमबो बाहाय

सुजुगिरिनि खोलोम

सोलिफु राजखान्थियारि थासारि

बड'लेन्ड हालामनि इयुन राजखान्थियारि थासारिखो गोखों खालामनाई लाखिने हालामनि ओन्सोलारि दोलो मोनैखो खोसे खालामनाई ज'थे बिसायख'थि गेलेहोनार्यनि बावैसो सिगां माखासे सानगोरो सुबुंफोरा बाश्ना सावरयबाय थानायखो नुनो मोन्नेमोन। बे थांखिखो मोनसे समाव गेरुवा हान्जाया बिटिसि बिसायख'थिखो हासिंडे गेलेनार्यनि बाश्ना गोसारनार्यनि उनिनफ्रानयने खोसे खालामनार्यनि बाश्नाया ओंखारदोमोन। ज' खालामनार्यनि सावरयनार्यनि माखासे सम सोलिदोमोन होनानै मिबथिनाय जादोंमोन। नाथाय बेनि गेजेरजो थानाय बिधान समनि उफ्रा बिसायख'थिया दोलो मोनैखो खोसे खालामनार्यनि खाथियाव लाबोनार्यनि सोलाये गोजानसिनाव लानायखोसो नुनो मोन्नाय जादों। सान्नाय-हनाय, थांखि आरो आदर्शफोरा गोरोबलायाब्लाबो हरिआव खेदां-अलखद फैथवन नुहरोब्ला गिखानाय, गोसो सिडव गाबखानाय आरो बेनि होबथानाय, बारग'नो खोसे जानाने गसंथानो राहा-लामा नागिरो। हरियाव गिदिर थासारि फैथवन नुहरोब्ला खोसे जानाने गसंनार्यनि बाश्ना सानो आरो सावरयो। बेबादि थासारि नुहनेने खोसे खालामनो नाजादोंमोन माखासे सुबुंफोरा। हालामनि रडजो-रजा सुबुंफोरयो गोसो गोजोन्दोंमोन जानांगो, बेखायनो सुबुंफोरखो सावरयनाय आरो समाजआरि बिजोफोरव बेनि गोबांथार खोरं गोसारनायखो नुनो मोन्नाय जादोंमोन।

आथिखाल खोसे खालामनार्यनि बाश्ना सावरयनाय नुनो मोनलिया। बड'लेन्ड हालामनि राजखान्थियारि थासारिव गोबांथार सोलायनाय फेनायखो नुनो मोन्नाय जावाय। बिटिसि बिसायख'थिखो लानाने खोसे खालामनार्यनि थांखि आरो नाजानाया फेगो सेपेन्बर दानआव खुंजानो गोनां बिटिसि बिसायख'थिनि सिगां सिगांनो गुबुन महर लानायखो नुनो मोन्नाय जावाय। बिबिद थासारिया सोलिदोबाय थायोब्ला खोसे खालामनार्यनि बाश्नाया गोजाम जालासिगोन, बेयो माब्लाबाबो फेफिन्नाय नंलिया। मोनसे समनि गोखों दोलो बिपिएफनिफ्राय सानसे सासे गोजो सारिनि दैदेनगिरिफोरा दोलो नागारनाई इडपिएफएलआव हाबफैको लानायव खोसे लाबोनार्यनि बाश्ना सानार्यनिखुइ मोनसेखोनो गोखों खालामनार्यनि लामा सौफेदो हालामनि राजखान्थियाव। नुनो मोन्नाय जादों बड'लेन्ड हालामनि राजखान्थियाव दासादि दोलो नागारनार्यनि दोहो सोमजिदो। सासेनि उनाव गुबुन सासे गोजो सारिनि बिपिएफ दैदेनगिरिफोरा दोलो नागारनाई इडपिएफएल दोलायव हाबफैको लानायया बड'लेन्ड हालामनि राजखान्थियारि थासारिआव महर सोलायनाय फेगोन नामा आरो इडपिएफएलनि थाखाय बेसेबां गोखों गोहोमो गोनां जागोन बेखो लानानेबो सवरयनाय खोनानो मोन्नाय जादों। बिपिएफनि दोलोयारि थासारिया वे गेखोमोनो सोलिदोबाय थायोब्ला फेगो बिटिसि बिसायख'थियाव इडपिएफएलनि थाखाय गोखों जुजिनानो थाहैनाय नडा बेखो नुहरो। मोनसे गोगो आरो गोखों खुंथाय सामलायनो हानार्यनि गेजेरजोसो हालामनि थागिबि सुबुंफोरनि रव-हरिमु, रंखाथि-रजखान्थि जेरै-जेरावबो जौगानार्यनि लामाखो नुहरो। बे थासारिखो आथिखाल नुनो मोन्नाय जायो। खुंथाय सामलायग्रा हान्जाया गोथार गोसो होसारनाई हाबा मावयोब्लासो ओन्सोलनि जौगानायजो लोगोसे आद्रा जानाने थानाय गासैबो रदाय मावफुनायाव मदत फेगोनखो नुहरो। फिसा बड'लेन्ड ओन्सोलनि जेना बोसानाई बेनि थागिबिफोरनि जौगानाय लाबोनार्याव ओन्सोलारि दोलोन खुंथाय फेयोब्ला जाफुसारनाय फेगोनखो फिथाय गोनांसिन नुहरो। हरिनि सार्थक आवा द्वाफुनाय दोलोफोरा सिगांगो गोगो आरो सुबुं अन्सायारि जानायखो साफ्रोम सांग्रां नोगोरारिफोरानो हास्थायो आरो बेयो मोखथाडव महर मोनोब्ला सोलिफु आरो इयुनिनि समावबो हालामनि जौगासारनायखो मोनहैनो हागोन होन्नाई मिजिथिनो हायो।

खोसे जानो हायोब्ला गोखों जायो आरो देहानायबो फेयो, बेयो सैथो बाश्ना। मोनसे समाव राजा गोनां, रडज्यो गोनां बर'फोरा खोसेथि गेलानैनि जाडनाव रडज्यो-फोरजा गोमाजानाने आलाड-सिलाय सेरेखाय-बेरेखाय जानानाय जारिमिना दाबो जौनो फोरमायो। खोसेथि गैथेनि रडज्यो खोमानानाय, थामोन्थायाव सोरगिदि अलखद सालोबनो हमनाय, रव-हरिमु गोमालोनो हमनायाव सुथुरनि नासयनाय, गादबनाय आरो सोबख'नाय सहायनो हाये बादि बांबोनाया बर'फोरखो खोसेथियाव फेनाने सोमावसारनो गोनां खालामदोंमोन। दिने बर'फोरा खोसेथिनि गोहोजो गावनि होन्नाई दलर नै बिथा सोजिनाने लानो हाबाय गोलाव सम सोमावसारनार्यनि फिथाय महरे। नाथाय बेनो थोजासे नडा, थुंगि डडब्लाबो होबथानो हानार्यनि दाहाल गैजाय बादि गुबुनिनि सायाव लामा नायनो गोनां जानाय बिथाखो फारफोनबो बिथिडवनो गोखों, खोमथा आरो जौगासाद खालामनाने गेवलासाय महर होनार्यनि गोनांथि डडा अब्लासो हरिया गुबुनफोरजो समनै आगान सुरलाफोनो हागोन, हरिनि रव-थुनलाड, हरिमु-आसारखान्थि, रंखाथि-रजखान्थियाव गोखों जागोन आरो रेखाथि गोनां जागोन। बेनि थाखायनो खोसेथिनि गोनां जायो।

म्यान्मारनि नोगोरारिफोर हाबफैनायखौ लानानै मणिपुर सरकारा सांग्रां जादों

इम्फल, 8 फेब्रुवारि: म्यान्मारआव बांनया हिंसायारि जाथायनिफ्राय रैखा मोन्नो थाखाय म्यान्मारनि नोगोरारिफोरनि मोनसे गोदान दोहोआ मनिपुरनि तेंनोपाल जिल्लायाव हाबफैयो। बिबानगिरिफोरनि बादिब्ला, सा 230 म्यान्मारनि नागाफोर, जेयव सा 180 अनल आरो सा 50 तांखुलफोरा दंफायो, बिसोर भारतयारि ओन्सोलाव हाबफैखोमानाने तेंनोपाल जिल्लानि थांबु मीनो गामियाव आश्रय लाफेदों। म्यान्मार सान्थि हान्जा जुन्टानि गेजेरजों म्यान्मारनि नागा सुबुंफोरखों अरयथा नडै महरे आश्रय लानो थाखाय बिथोन होनार्यनि उनाव बेयो गोदानै हाबफैखोमानाय। बे बिथोनखौ म्यान्मार सान्थि



हान्जा जुन्टानि हेंथायै दावहा नांग्रा मोनसे हाथियार लाग्रा हान्जानि पिपुल्स डिफेन्स फर्सनि सायाव गोदानै गाग्लोबनायफोरनि उनाव होयो। बेयावनि थासारिनि फिन्नायाव मणिपुरनि दै सोदांग्रा मन्थि अवांब न्युमाइन दैदेननायाव सा 5 नागा एमएलएफोरा शुरुबारखालि हरआव गिबि मन्थि एन बिरेन सिंहजों लोगो हमदों। सिंहआ न'सुंसे

हादरआव दावहा बायदि थासारिखौ फोरमायनानै खोथा होयोदि, म्यान्मारनि नोगोरारिफोरनो सुबुंथिनि सायाव बिथा खालामनानै आश्रय होनाय जादों। बे जाथाया मणिपुरआव म्यान्मारनि नोगोरारिफोर हाबफै नाय के सआव गोदान, जाय म्यान्मारआव सोलिबाय थानाय दिदोमथि गैयै थासारिखौ फोरमायो।

मिरु सरकारआ कौशल जौगा होनार्यनि मोनथाम स्कीम फोसावदों



गोदान दिल्ली, 8 फेब्रुवारि: लाइमोनफोरखौ फरयनायजों लोगोसे खामानियाव सरजाबहोनायाव नांथाबनाय मिरु सरकारआ आथिखालाव बिरोरनि इयुनखौ गोनांथि बायदिथे थियारि खालामनार्यजों लोगोसे बिसोरनि कौशलखोंबो जौगाखां होगोन। बेनि थाखाय सरकारआ कौशल जौगाखांनि मोनथाम स्कीमफोरनि गोदान खोलोबखौ फोसावो, जेराव गासै 8,800 कौटि रं खरसा जागोन। बेनि गेजेरव बयनिखुइ बांसिनै 6 रोजा कौटिखौ कौशल जौगाखां बिथांथि 4.0 आव खरसा खालामगोन। बेजों

लोगोसे सरकारआ 2047 नि जौगाखां भारतनि थांखिखौ नोजोर होनानै कौशल जौगाखानायखौ मेपिं खालामनो थाखाय मोनसे मास्टार प्लान थियारि खालामनोबो गनार्यथि होयो। गाहाइ मन्थि नरेन्द्र मदिनि दैदेननायाव थानाय शुरुबारखालि जानाय केबिनेटनि जथुम्मायाव थानाय बोसोरफोराव कौशल जौगाखानायखौ लानानै दैखांनाय थांखिफोरनि सायावबो गुवारै सावरयो। केबिनेटनि थांखिफोरनि खोरं होनानै खौरं फोसावदि मन्थि आश्वनी बैण्णबआ फोरमायोदि,

मेघालयआव टिएमसिआ काउन्सिल बिसायख'थि गेलेनाय नडा: मुकुल सांगा

शिलंग, 8 फेब्रुवारि: तृणमुल कं ग्रेस (टिएमसि) आ मेघालयआव खासि हिल्स अट'नमास जिल्ला परिषद आरो जयन्तिया हिल्स अट'नमास जिल्ला परिषदनि थाखाय 21 फेब्रुवारिआव जानो गोनां फेगो समनि बिसायख'थिफोराव बाहागो लायैनि थांखि लायो। बे थांखिखो टिएमसिनि साबा एमएलएफोरजों लोगोसे रडज्योआव बयनिखुइ देरसिन बेरेखा हान्जा जानार्यनि उनाव फेयो। बेरेखा दोलोनि दैदेनगिरि आरो आगुनि गिबि मन्थि मुकुल सांगांनि बायदिब्ला, टिएमसिआ हनि सोमोन्दै मोखथाडारि सांग्रांथिनि सायाव सावरयनार्यनि उनाव बे थांखिखौ लायो। जों मोनसे गोखों थांखि लाबायदि, जौनि थाखाय बिसायख'थि गेलेनार्यनि गोनांथि गैया।



मानोना जों पाटिखौ माबोरे गोखों खालामनो हायो बेनि सायावबो सावरयगामिनो दड होन्ना सांगांआ फोरमायो। टिएमसिनि थांखिया गार' हिल्स ओन्सोलाव मोनसे गोखोडै बिथा खालामसेयावबो खासि हिल्स आरो जयन्तिया हिल्स ओन्सोलफोराव मोनसे गोखों थासारि गायसन्नाय गावसोरनि दाडा-बाजनि जाहोन। बेनि उल्टायै गिबि मन्थि कनराड के सांग्रानि दैदेननाय नेसनेल पिपुल्स

पाटि (एनपिपि) नि मोन्ने परिषदफोरनि सायाव गोखों खालामो। एनपिपि, इडनाइटेड डेमक्रेटिक पाटि (इडडिपि), वायस अफ दा पिपोल पाटि (पिपिपि) आओ भारतीय जनता पाटि (बिजेपि) जों लोगोसे गुबुन गाहाइ दोलोआ बिसायख'थि गेलेनो थाखाय जान्जि खाफ्रादों। अदेबानि एनपिपि, इडडिपि आओ बिजेपिआ रडज्योनि खुंथायाव थानाय जुथाय दोलोनि बाहागो।

चन्द्रबाबु नायडुआ एनडिएनि लेडाइ आफादगिरि बिबान लुबैदोंमोन: देबगौड़ा



गोदान दिल्ली, 8 फेब्रुवारि: हादतनि आगुनि गाहाइ मन्थि एचडि देबगौड़ाआ शुरुबारखालि राज्यसभाआव गिदिर दाबि दैखांदों आओ बिथानि बे दाबिनायनि उनाव एनडिएनि दोलोआव दोहो सोमजिदों जानांगो। बबेखानि आगुनि गाहाइ मन्थिआ अन्ध प्रदेशनि गिबि मन्थि चन्द्रबाबु नायडुखौ लानाने बेखो दाबि दिखाडोदि, लकसभा बिसायख'थि 2024 नि उनाव नायडुआ एनडिएनि लेडाइ आफादगिरि जानो लुबैदोंमोन। बिथाड मिबथि होयोदि, गाहाइ

मन्थि नरेन्द्र मदिआ बिबिद खालामनो नेवसिगादोंमोन। अदेबानि बिजेपिनि आफादगिरि जेपि नडुआ बे बायदि बाश्नाखो नेवसिदोंमोन। हादतगिरिनि बिबुंथि लाखिनायाव साबायख'र होनार्यनि गेजेरजों आगुनि गाहाइ मन्थिआ बुडोदि, चन्द्रबाबु नायडुआ गावनि सा

16 एमपिफोरजों लोगोसे एनडिए सरकारखौ हेफाजाब होयो। बिथाड बे आफादनि लेडाइ आफादगिरि जानो लुबैदोंमोन। नाथाय गाहाइ मन्थि मदिआ बेखौ गनार्याखोमोन, मानोना गाहाइ मन्थिआ मिबथिगौदि, खुंथाइखौ माबोरे सालानांगो। राज्यसभायाव आगुनि गाहाइ मन्थि देबगौड़ा बुडोदि, 'इडपिए सरकारआव खालि गाहाइ मन्थिल' नडामोन, नाथाय सासे लेडाइ आफादगिरिबोमोन। खुंथाइनि मिरुआ आफादगिरिनि आखायावमोन। नाथाय गाहाइ मन्थि मदिआ रावखौबो सरकारखौ सामलायनो एवा बेयाव आखाय होनार्यनि गनार्यथि होयाखै।

दिनैनि फान्जामुधि

राशि	बाइदिथै मुनि गिबि हांखो
मेघः अल	बृषः ऊब (उ ए इ) मिथुनः क छ (ड घ)
कर्कटः ड ह	सिंहः म ट कन्याः प ष (ण ष)
तुलाः त र	वृश्चिकः ब न धनुः ध भ (ङ फ)
मकरः ख ज	कुम्भः ग श (स) मीनः द च (ख ज झ)

	मेघः जैरेबो रंजा-बाजा खालामनो हागोन। गोजोनै सम बारहोनो हागोन। फारफ्रोमथिबो मोजां।
	बृषः जैरेबो सांग्रां जानानै सोलिनांगोन। माबाफोर जेनायाव गोम्लैनो हागो।
	मिथुनः माबा मोनसे मुवा-बेसाद खहा जानो हागो। गोसोखौ शान्ति मोन्नाय नडा।
	कर्कटः लोगोआनो सुथुर जानो हागो। सांग्रां जानानै थानांगोन।
	सिंहः मोजां मोनलायनार्यनि गेजेरव जेना नुजानो हागो। गोसोखौ गोजोन्नाय गैयै मोनगोन।
	कन्याः सोरजोंबाफोर दावराव-दावसि जाबाय बायनो हागो। जेखि जाया गोसोखौ हमथा।
	तुलाः जेखियानो मावनो आखायाव लाया जाफुनानय नडा। जैरेबो सांग्रां जानांगोन।
	वृश्चिकः खामानि मावनाया गोखैयै सोलिनाय नडा। सान्नाया जाफुनानय नडा।
	धनुः मोजां रंग'थि जानो हानार्यनि मान मोन्नो हागोन। गोजोन्नाय मोनगोन। मोजां सान।
	मकरः नख'रआव जेना-जेसिया जोबनाय नडा। गोसोखौ शान्ति गैयै मोनगोन।
	कुम्भः गोसोआव माबाफोर दुखु मोनखानो हागो। गोसो हमथानानै सोलिनांगोन।
	मीनः जेखियानो जाया शुभ खामानि मावनानै लानो हागोन। सान्नाय-हनाय गासैबो जाफुनानय फेगोन।

ब्राजिलनि साओ पाउलआव उरां जाहाजआ बासजों सौग्राव फेनायाव सानै सुबुंफोरनि जिउ गोमादों



गोदान दिल्ली, 8 फेब्रुवारि : खोला ब्राजिलनि साओ पाउलआव थानाय शुरुबारखालि गंसे फिसा उरां जाहाजआ मुकुब लामायाव जाब्रबथाइ जाना गंसे बासजों सौग्रावनायजों खमैबो सानै सुबुंफोरनि जिउ गोमायो। बे जाब्रबथाइनि उनाव हाइवैआव दावराव-दावसिनि थासारि सोमजियो। बे उरां जाहाजआ बासजों सौग्रावनायनि उनाव सुबुंफोरा ओरै-हरै खारनो हमदोंमोन। पुलिसनि

बायदिब्ला, उरां जाहाजआव गाखोनाय सानै सुबुंफोरा अरजों खामथाबना जिउ गोमायो। बेयाव सा 6 गुबुन सुबुंफोरा जोखोम जायो, जेराव सासे मथर साइकलआव गाखोनाय आरो बासआव गाखोनाय सासे आइजोआ दंफायो। अदेबानि सानै सुबुंफोरा उरायना बायखोन्दा थुखाफोरनि अलखदआव गोलेदोंमोन। सिएन्एननि बायदिब्ला, साओ पाउलआव सान्थियारि पुलिसनि अर लुखोमोरग्रा बिफाननि

बुंथिगिरि के प्टेन आनद्रे एलियास सेन्टसआ फोरमायोदि, गोथाडै रैखा मोन्नाय सुबुंफोरखौ खाथिनि सान्ता कासा डि मिसेरिकर्डिया देहा फाहामसालि आओ उपासन्ता देहा फाहामसालियाव लानाय जायो। बिबानगिरिफोरा बे सौग्रावनायनि जाहोनखौ नायबिजिनो जागायबाय। मोनसे इमार्जैन्सि दोलोन बिबानगिरिया फोरमायनाय बायदिब्ला उरां जाहाजजों

सौग्रावनायनि उनाव भावर्भस डि साओ बिसेन्टेआव बासनिफ्राय ओंखारनो थाखाय सुबुंफोरा नाजागामिनो दंमोन। साओ पाउलआव पुलिस सान्थिनि बुंथिगिरिआ अलिभिया पेरन काजआ फोरमायोदि, रैखा खालामनाय हाबाफारियाव गासै गं 14 अर लुखोमोरग्रा बिफाननि गारिफोर आओ सा 38 अर लुखोमोरग्रा मावसुमाफोरा दंफायोमोन। साओ पाउलनि मेयर रिकर्ड नुन्सआ फोरमायनाय बायदिब्ला, भुगिनांग्राफोरखौ रैखा खालामनो थाखाय रैखा खालामग्रा मावसुमाफोरजों लोगोसे इमार्जैन्सि दोलो थिसन्दोंमोन। नुन्सआ एक्सआव होनार्य मोनसे पस्टआव गिखंथाव जाथाइनि सायाव दुखु मोन्नाय फोरमायदों। बिथाडा जों भुगिनांग्राफोरनो मदत होनो थाखाय गासै रोखोमनि हेफाजाबफोरखौ होगामिनो दं।



गोदान दिल्ली, 8 फेब्रुवारि : गिखंथाव अर खामनाय जाथाइनि 8 बोसोर उनाव लन्डनिन ग्रेनफेल टावरखौ बुफायनाय जासिगोन। ब्रिटेन सरकार थानाय शुरुबारखालि ग्रेनफेल टावरखौ बुफायनो बिथांखिखौ फोसावयो। 2017 नि 14 जुनिनि फुडव ग्रेनफेल टावाराव गिखंथाव अर नांदोंमोन। बे जाथायाव गासै सा 72 सुबुंफोरनि जिउ गोमादोंमोन। नैथि दावहानि उनाव ब्रिटेनआव जानाय बे बयनिखुइ गिखंथावसिन अर खामनाय जाथायमोन। बे जाथायनि 8 बोसोर उनाव बे बिलिडंखौ बुफायनाय थांखिखौ हेंथाबो होगामिनो दं। अदेबानि बे सुबुंफोरा बिलिडंनि खामखोन्दा बाहागोखौ थैनायफोरनि गोसोखां खाम्फा महरे सैरेखाथियै लाखिनो लुबैयो। सुलुडव फोरमायनाय बायदिब्ला, ग्रेनफेल टावरआ सोनाब लन्डनिन सा केसिन्टननि खाथियाव दं आओ बे बिलिडंआ लास्रियै दुखु नांथाव जाथाइखौ गोसोखां होयो। नाथाय सरकारनि बुनाय बायदिब्ला, जौगाखां होफिन्नाय आओ 24 टाला बिलिडंनि बायखोन्दा बाहागोफोरखौ बोखारनायजों फोलेर रेहाय मोनगोन। बे ग्रेनफेल टावरखौ बे जाथायखौ नायबिजिनार्या गोलाव समनिफ्रायनो सोलिबोगामिनो दं। बे आन्दोआव माखासे जाहोनफोर नायबिजिनार्याव नुजाथिदों। अदेबानि कम्पनीफोरनि थगायनाय, लोरबां नेम-खाथि आओ सांग्रांथि गैयै सरकारि बिबानगिरिफोरनि जाहोनव बे जाथाया जादोंमोन। मख'नोगोनांदि, थानाय 2017 नि 14 जुनआव बिलिडंनि ब्रैथि टालायाव थानाय एपार्टमेन्टआव लाखिनाय गंसे फिसा रेफ्रिजरेटरजों अर नांदोंमोन आओ लासै लासै बियो गिखंथाव महर लादोंमोन। बे जाथायाव सा 72 सुबुंफोरनि जिउ गोमादोंमोन।

साइबार दायनिगिरिफोरनि सायाव होबथानो थाखाय आरबिआइआ गिदर थांखि लादों

गोदान दिल्ली, 8 फेब्रुवारी: साइबार थगायनाय आरो दायनिगिरिफोरनो होबथानो थाखाय आरबिआइआ गारसैं बेंकफोरनि थाखाय आलादायै डमेन लाबोनो थांखि लादों। थांनाय शुक्रवारखालि आरबिआइनि गभर्नर सन्जय आग्रवालआ बुडोदि, बांनाय साइबार क्राइमआ जिंगा सिनायनि आयदा आरो बे रोखोमनि क्राइमफोरनो होबथानो थाखाय बेंक डटइन डमेनखौ भारतआरि बेंकफोरवल'बाहायनो हागोन। बे सुबिधाखौ सोलिफु बोसोरनि एप्रिलनिफ्राय बाहायनो हागोन। बेंकनि फारसेनिफ्रायल' बे डमेनखौ बाहायनायजों बाहायगिरिफोरनि बेंकनि मेल एबा मेसेजखौ सिनायथिनायाव गोरलै जागोन। आथिखालाव बाहायगिरिफोर बे बाथ्राखौ लानाये गोनी-गोथोआव दडदि, बबे लिंकआ नंगुबै आरो बबेया गोरोरि। सुलुडव फोरमायनाय



बायदिब्ला, आथिखालाव साइबार क्राइमफोर जायखि-जाया बेंकनि डमेन आइडियाव सोलाय-सोल'खालामाना नकली आइडि बनायो। अदेबानि माखासे बेंकफोर डटक डटइन बाहायोब्ला, माखासेया डटकम आरो माखासेया डटइन बाहायो आरो साइबार क्राइमफोर बेनि मुलाम्फाबो लायो। आथिखालाव बाहायगिरिफोर जायखि-जाया बेंकनि डमेनखौ मोजाडै नोजोर होया। नाथाय जेव्ना गारसैं बेंकफोर डटइन डमेनखौ बाहायगोन, अब्ला

बाहायगिरिफोर नंखाय आरो नंगुबै डमेनखौ सिनायथिनायाव जेना जानाय नड। बे बिधिडव बेंकफोरनि अनगारै गुबुन र।'ख।'न।'थ।'न।'थ।'रि फसंथानफोरनि थाखायनो फिन डटइन डमेनखौ जागायगोन, जाहाथे गारसैं रंखांनिथ सेक्टरआव डिजिटल रैखाथिखौ गोखों खालामनो हायो होन्ना आरबिआइ गभर्नरआ बुदों। बेंक डटइन डमेनखौ सालायनायनि बिबानआ आइडिआरबिदिति सायाव थागोन।□

बडाइगाव एनटिपिसिआ कक्राइर जेलआव गुदि बिथारखौ जौगाखां होनो थाखाय रादाय खादों

कक्राइर, 8 फेब्रुवारी : नेशनेल टर्मल पावर कर्परेशन (एनसिपिसि) बडाइगाव प्लांट आसामा कक्राइर जिल्ला जेलआव गुदि बिथारखौ जौगाखां होनो थाखाय जायगानि बिबानगिरिफोरनो लोमोसे मोनसे रादाय खायो। गावसोरनि कपरैट समाजयारि बिबाननि गेजेरजों एनटिपिसि बडाइगावआ जिल्ला जेलआव गंसे ओंखाम संग्रा आरो गिदर हलखौ जौगाखां होनो थाखाय थांनाय शुक्रवार खालि कक्राइर जिल्ला खुंथाइ, पिडाब्लिड, कक्राइर आरो चिरां जिल्ला रिजिनेल डिभिजनजों लोमोसे मोनसे रादायनि गोसोखां बिलाइआव मुंसायो। बे



थांखिजों जौगाखानायखौ मिजिं थिदों। बिबुंथियाव बुंनाय जायोदि, जेल परिसरनि सिडव गुदि बिथा, केदिफोरनि थाखाय साबसिन सुबिधा रोखा खालामनाय आरो बिसोरनि

न'आव थाहैफिन्नायाव मदद खालामनाय। बे थांखिनि गेजेरजों एनटिपिसि बडाइगावआ जेलआव गुदि बिथारखौ जौगाखां होनो थाखाय 32.82 लाख रॉनिखुइ बांसनि

बिथांखि फोसावयो। बे बिथांखियाव मोनसे गोदान

मुगानि ओंखाम संग्रा न' बानायनाय गोमो जाग्रा आदार थियारि खालामनाय, आदार जगायना होनायखौ रोखा खालामनाय आरो मोनसे गिदर हलआ दंफायो, जायखौ कौशल जौगाखां हाबाफारि, फालांगियारि ट्रेनि बायदिनि थाखाय बाहायनाय जागोन। अदेबानि कक्राइर जिल्ला कमिसनार माचान्दा एम पार्लिन आरो एनटिपिसि बडाइगावनि बिजनेल इन्टिनि


गाहाइ अर्नब मैत्रानि गेजेराव खावसे महरै रादाय खादों।□

धुबुरी जिल्लायाव हिंसायारि जाथायजों सासे सुबुंनि जिउ गोमादों



गुवाहाटी, 8 फेब्रुवारी: आसामनि धुबुरी जिल्लायाव शुक्रवारखालि मोनै फोलेरनि गेजेराव हिंसायारि गाग्लोबनायाव सासे सुबुंनि जिउ गोमायो, अदेबानि माखासे सुबुंफोर जोखोम जायो। बे जाथायाव धुबुरी जिल्लानिफ्राय खमैबो 5 किल'मिटर गोजान भसनि चार भाग-1 आव जादों। जिउ गोमानाय सुबुंखौ 42 बोसोर बैसोनि सुजाव आलि मुडे सिनायथिनाय जायो। मिबथि होनाय जायोदि, मोनै फोलेरनि गेजेराव जेनाखौ लानानै खुद्रिलायनाय जायो, जाय बृहस्पतिवारखालि मोनाबिलनि समाव बे ओन्सोलाव जागायदोंमोन। रिपटआव दाबि दिखानाय जायोदि, लावथिफोर आरो गोबौ हाथियारफोरजों माखासे सुबुंफोर गावजों गाव गाग्लोबलायनायाव नंजानानै जोखोम जायो। जोखोम जानाय सुबुंफोरखौ फाहामथायनि थाखाय धुबुरी मेडिकल कलेज आरो देहा फाहामसालियाव थिसन्याय जायो। मोनसे थिडिअ फुटेजआ सोराडव फैदों, जेराव दाय फोनानाय जायोदि, सासे पुलिस मावसुमाया खस्ट खालामनायफोरखौ थुज्जलयदोंमोन। जायगानि सुबुंफोर जाथायाव बिथानि बिपाव होनायखौ गोथौ नायबजिरनो दाबि दिखदों। पुलिसआ जाथाय जानाय जायगायाव राउन्ड फायरि खालामनाडे आरो इयुनि हिंसाखौ होबथानो थाखाय गोबां रेखाथि हान्जाफोरखौ थिसन्याय जायो।□

राहुल गान्धीनि हेंथायै हादत बेरेखा बिबुंथि होनायनि केस थिसन्दों



उरिष्यानि झारगुडा पुलिस थानायाव राहुल गान्धीनि हेंथायै भारतयारि कड अफ जास्टिजनि आरटिकेल 152 आरो 197 (1) (डि) नि गेजेरजों केस थिसन्याय जायो। राहुल गान्धीनि सायाव गोब्राबै गोसो जानाये हादत बेरेखा बिबुंथि होनायनि दाय जाबसिनो। बेजों साफ्राम भारतयारि नोगोरारिफोरा दुखु मोन्दों होन्ना बुंनाय जायो। एफआइआरनि बायदिब्ला, थांनाय 7 फेब्रुवारीनि हरनि 11:30 रिंगायाव केस थिसनो। अदेबानि सरबहालनि थांगिबि 42 बोसोर बैसोनि राम हरि पुजारिया बेनि केस थिसनो। बेयाव बिजैपि, बिजैपि लाइमोन मर्चा, आर एसएस, बजरं दल आरो झारगुडा जिल्लानि बिजैपि विधिक प्रकटनि सोद्रोमाफोरा दाय जाबसिनोदि, बेरेखा दोलोनि दैदेनगिरि राहुल गान्धीआ गोसो जानाये हादत बेरेखा बिबुंथि होगासिनो दं। राहुल गान्धीनि बिबुंथियाव बाथ्रा बुंनायनि सिमनाखौ बारदों। भारतयारि राइज्योनि हेंथायै दाननि दावहा नांनायखौ फोसावनाय बिथाडा सुबुंफोरनि गेजेराव बिप्रायनो थुनज्जलयदों। बेनि अजद दैखानायनि उनाव पुलिसा नायबजिरनो जागयो। राहुल गान्धीआ थांनाय 15 जानुवारीयाव दिल्लीनि कटला रडआव कं ग्रेस पार्लिन गोदान मावख'खौ बेखेवनाय समाव बिबुंथि होदोंमोन।□



आइजल, 8 फेब्रुवारी : मिज'रामनि गिबि मन्थि लालदुहमाआ एनडिअ सालायग कमिति (एनजिअसिसि) नो खोथा होयोदि, राइज्यो सरकार लेंपुइ उरां जाहाज गाथोनखौ भारतयारि अख्रामा सान्थि (आइएफ) नो गथाया जासे गावसोरनि सिगाडवनो लाखिगोन। बे थांखिखौ लालदुहमा आरो सेन्ट्रल यं मिज एस'सिएशन (सिवाइएमए) नि दैदेन्याय

गाहाइ नोगोरारि समाजयारि आफादफोर आरो फरायसा आफादफोरनि हान्जा एनजिअसिसिनि दैदेनगिरिफोरनि गेजेराव मोनसे जथुम्मनि उनाव लायो। एनसिअसिसिआ गिबि मन्थिखौ सरकारनि थांखिखौ नायबजिरनो खावलायदोंमोन। लालदुहमाआ दैदेनगिरिफोरनो खोंर होयोदि, सरकार मोनसे सुबुंथियारि उरां जाहाज गाथोनखौ सालायनो गोसो

जायो। नाथाय रंखाथियारि जेनाफोर राइज्योआव मोनसेल' उरां जाहाज गाथोनखौ सोलिहोना लाखिनायनि गोहोआव हेंथा सोमजिहोयो। आथिखालाव बिथाडा खोथा होयोदि, उरां गाथोनखौ बेखेवनाय आरो बेनि रानवेआव साबसांहोनो थाखाय रंखाथि आयगनिफ्राय रंखाथिनि दाबि दैखानाय जागोन। बे जौगाखानाय बै समाव जायो, जेव्ना मिज नेशनेल फ्रन्ट (एमएनएफ) नि आफादगिरि जर्मथांगाआबो उरां जाहाज गाथोनखौ भारतयारि अख्रामा सान्थिनो गथायनाय बिथांखिखौ हेंथा होदोंमोन। बिथाडा बुंदोंमोनदि, बिनि पार्लिआ बे रोखोमनि जायखि-जाया थांखिखौ हेंथा होगोन।□

मुम्बाइआव सा 7 आरो केरेलाआव हबफैखोमानाय सानै बांलादेशीफोरखौ ग्रेप्टार खालामदों

मुम्बाइ, 8 फेब्रुवारी : मुम्बाइआव थांनाय शुक्र बारखालि साब्रै आइजोफोरजों लोमोसे सा 7 बांलादेशी हबफैखोमाग्राफोरखौ ग्रेप्टार खालामो। सासे पुलिस बिबानगिरिया बुंनाय बायदिब्ला, बे हबफैखोमाग्राफोर थांनाय 2020 निफ्रायनो आइन बेरेखायै हादतआव थाबोगासिनो दंमोन। पुलिसा ग्रेप्टार खालामनाय बांलादेशीफोरखौ 26 बोसोर बैसोनि सहां आशिर मुल्ला, 26 बोसोर बैसोनि जाहिडल इस्लाम इमुल, 25 बोसोर बैसोनि नयाम अफजल हुसैन शोख, 23 बोसोर बैसोनि अलामिन शोख, 24 बोसोर बैसोनि अलाम तुतुल, 35 बोसोर बैसोनि तावमिना अखर राजु आरो 35 बोसोर बैसोनि सलमा मकसाद आलि महरै सिनायथि होदों। बिसेर गासैबो



चेम्बुरनि महलाव थाबोगासिनो दंमोन। बिसेर बांलादेशनिफ्राय आइन बेरेखायै हबफैनाय बाथ्राखौ सिमान लायो। बिसेर बयनिबो हेंथाये गुबुन हादतयारि

नेम-खान्थि, पासपर्ट नेम-खान्थि बायदिनि गेजेरजों केसखौ रजिस्टार खालामो। आरसिएफ थांनानि बिबानगिरिया आथिखालाव बे जाथाइखौ

नायबजिरगसिनो दं होन्ना बुजे। बेराफासे केरेलायावबो नंखाय फोरमान लाइनि सायाव बिथा खालामनाय माखासे बोसोरफोरनिफ्राय थाबोबाय

थानाय जरासे बिसि-फिसाइखौ ग्रेप्टार खालामो। पुलिसनि फोरमायनाय बायदिब्ला, 38 बोसोर बैसोनि दशरथ बेनार्जी आरो बिनि 33 बोसोर बैसोनि बिसि मारी बिबिआ एडावानकड ओन्सोलाव गावसोरखौनो भारतयारि होन्ना फोरमायनायै थाबोगासिनो दंमोन। नजारकत पुलिसा अपारेसन क्लीननि गेजेरजों नागिरनाय हाबाफारिनि समाव बिसेर बिसि-फिसाइखौ ग्रेप्टार खालामो। बिसेर नंखाय भटार आरो आथारखौ सोनाब बंग'आव बानायहोदोंमोन।□

आमेरिकाआ इजराइलनो गोबां बेसेनआव हाथियार, मिसाइल आरो बम फानहरगोन

वाशिंटन, 8 फेब्रुवारी: आमेरिकाआ थाबैनो इजराइलनो गोबां आरव बेसेनआव हाथियार, मिसाइल आरो बम फानहरगोन। सुलुंनि बादिब्ला, गनायथि मोन्नाय आमेरिकाआव बानायनाय बे हाथियारफोर सिगाडवनो गाजाआव गोबां सिलिखार सोमजिहोदों। डूस डिफेन्स सिक्किउरिटि कपरेशल एजेन्सि (डिएससिए) नि बादिब्ला, आमेरिकानि गुबुन हादरयारि बिबानआ गासै 6 बिलियन डलारनि बम, गाइडेन्स किट आरो व्युजजों लोमोसेनो 600 मिलियन डलारनि हेलफायर मिसाइल



फानायनि सायाव मुंसाइयो। डिएससिएनि फासंनिफ्राय बमफोर फानायखौ लानानै मोनसे बिबुंथि फोसावनाय जायो, जेराव बुंनाय जायोदि, बम फानायनि बे थांखिआ इजराइलखौ आथिखाल आरो

इयुनि अलखदफोरनिफ्राय बास'नो थाखाय बेनि गोहोआव बांहोगोन। बेयो इजराइलनि जोनोम हादरनि रैखाथिखौ गोखों खालामगोन आरो ओन्सोलाअरिअलखदफोरनिफ्राय बास'नायाव मदद खालामगोन।

बिबुंथिआव बे बाथ्राखौबो बुंनाय जादोंदि, मिसाइल बायनायजों इजराइलनि अख्रामा सान्थिनि गोहोआव गोबां साबसांहोन, जायजों इजराइलनि सिमनाफोर, मख'जाथाव गुदि बिथा आरो गाहाइ सुबुं अन्जिमनि मिरुफोरोव आथिखालाव आरो इयुनाव रैखाथिखौ लानानै जानो गोनां अलखदनिफ्राय बास'नायाव मदद मोनगोन। बे हाथियारफोरनि गेजेरजों इजराइलनि जायखि-जाया अलखदजों मोगा-मोगि खालामनो हानाय गोहोआव साबसांहोन।□

एनएफआरआव थिका महरै आजिरा लानाय नन-गेजेटेड स्टाफफोरखौ थिसनिफानायनि थाखाय मिरुआरि फोसावथाइ

नं. एनएफआर/आइए-आरएस/सिएन-01/2025। अवत: 06-02-2025

सम फारिलाइ	
अनलाइन आर'जनि थाखाय जागायनाय अक्ट	07 फेब्रुवारी, 2025
अनलाइन आर'जनि थाखाय जाबथा अक्ट	28 फेब्रुवारी, 2025

एन.एफ.रेलवेनि गुबुन गुबुन इन्टिफोरनि गोबांथर मासि/केडगिरिफोरव लानादें जानाये थानाय मासिफोरव गुबुन गुबुन बिफाननि थाखानाय लानादें मासिफोरखौ सुफुनायनि थाखाय फोसावथाइ एनेक्सा बिआव होफानाय बायदिबे 'रि-इंगेमेन्ट अफ रिटायर्ड स्टाफ' बिथांखिनि सिडव थिका महरै आजिरा मोनाय रेलवे नन-गेजेटेड मावफारिया (सरसम्सा आजिरा मोनाय सुबुं)फोरनिफ्राय थिसन्याइनि थाखाय आर'ज बिलाइ हंखायदों। आर'ज बिलाइखौ www.nfr.indianrailways.gov.in आव गाहायव होनाय लिंकनि गेजेरजों अनलाइननि गेजेरजोंल' जमा होनो हागोन। थोंजों वेबसाइट लिंक <https://retiredstaff-reengage.nfris.org/> आजिरा लानाय स्टाफफोरखौ फिन थिसनिफानायनि थाखाय नेमखान्थि। बैसोनि जखाथि: 28 फेब्रुवारी, 2025 सिसान 64 बोसोर बैसोनि गाहायव जाथानांगोन। फिन थिसनिफानायनि थाखाय बांसिनै बैसोनि जखाथिआ 65 बोसोरसिम जानो हागो।

दान बान्था: आजिरा लानाय स्टाफफोरनि फिन थिसनिफानायनि दान बान्था, उग्रा दान बान्था आरो सुटि लानाय भारत सरकारनि रंखाथि मन्थि आफादनि इक्सपेन्डेचर बिफाननि अएम नं. एफ. नं. 3-25/2020 IIIA अवत: 09-12-2020 नि बायदिबे जागोन। आर'ज बिलाइजों लोमोसे गाहायव होनाय एयसपेटेड पट कपनि गोनांथर फोरमान बिलाइफोरखौ आपलड खालामफानांगोन।

(i) पेन्सनर आइडिन्टिफिके कार्ड, (ii) पेन्सन पेमेन्ट अखर, (iii) बेंक पासबुक (गिबि) ए/सि नं. आरो आइएफएससि कड गोनॉ, (iv) पेन कार्ड, (v) आथार कार्ड, 6. 03 पासपर्ट साइज कालार पेटग्राफ आर'ज बिलाइखौ 28 फेब्रुवारी, 2025 नि उनाव आजाबनाय/गनायनाय जानाय नडा।

बिजाथिफोरखौ मोनसे साबजाथाव सम थि खालामनाय मख'नाय इन्टिडिभिजन/वार्क सपफोर मोगा-मोगि आन्नादिनि थाखाय हंखायगोन।

जेनेरेल मेनेडर (पि)/मालिगाव सा-सान्जा सिमना रेलवे

"मिनस्लनायजों ग्राहकफोरनि सिबिथाइ"

फसंथान/जागायग्रा/केमिस्ट गलाफोर बायदिआव थिसन्याइनि थाखाय गोसो गोनांफोरखौ हांखायनाय

टेन्डर नं.: इअआइ-आरएनवाइ-2024-26-आरटि अवत: 03-02-2025 भारतनि हादतगिरिनि जानानै आरो डिपमअ/डिआयनि जानानै टेन्डर नं. इअआइ-आरएनवाइ-2024-26-आरटिनि हेंथायै इ-टेन्डर हांखायदों, जोबथा अवत: 17-03-2025/15:00 सिसा। रडिया आरो गुवाहाटीनि गेजेराव फुंखा गोनॉ फसंथान/जागायग्रा/केमिस्ट गलाफोरनिफ्राय एन.एफ.रेलवे हस्पताल, रडियानि थाखाय 2 (नै) बोसोर समनि थाखाय गुलिफोर बायनाय, सांसिकेल आइएम आरो कन्जुमेबल बायनाय (अपिडि जोबनायनि सिसां एके सानावनो मुवाफोरखौ जगायनांगोन, अपिडि सम जोबनायनि सिसां खमैबो 4 घन्टा समनि गेजेराव होनांगोन)नि थाखाय इ-टेन्डर हांखायदों। गोसो गुदु बिजाथिफोरा आइआरएफएसआव सम आरो अवत जोबनायनि सिसां गावसोरनि अरिजनेल/रिहाइस बिडफोरखौ गथायनो हागोन। मेतुबेल खारुफोरो बे टेन्डरनि थाखाय गनायथि जानाय नडा आरो जायखि-जाया बे रोखोमनि मेतुबेल अपार आजाबनायखौ नेवसिनय जागोन। अपाराए एके सानावनो 16:00 रिंगायाव जागायगोन। अग्रिम रं.: 57,600 रं। आबुं फोरमायथिखौ टेन्डर डकुमेन्टजों लोमोसे www.i-reps.gov.in वेबसाइटआव गोबाडे मोनो हागोन।

चिफ मेडिकेल सुपारेन्टेन्डेन्ट, रडिया डिभिजन

सा-सान्जा सिमना रेलवे

"मिनस्लनायजों ग्राहकफोरनि सिबिथाइ"

ASSAM ENGINEERING SERVICE RECRUITMENT BOARD
Assam Textile Institute Campus, Ambari, Guwahati-781001

No. AESRB/064/2024/809

NOTICE

This is for information of all the candidates who have applied online for recruitment to the Posts of Lecturer (Technical), Lecturer (Non-Technical) in the Government Polytechnics, and Senior Instructor. Librarian in the Government Engineering Colleges and Polytechnics in the advertisements issued by the AESRB vide no. AESRB/01/2024, AESRB/02/2024, AESRB/03/2024, AESRB/04/2024, AESRB/05/2024 and AESRB/06/2024. that the dates for the OMR-MCQ based Written Tests have been finalized, details of which is available in the official website of AESRB: www.aesrb.in

Sd/-
Member Secretary Assam Engineering Service Recruitment Board

Janasanyog/D/12405/24/9-Feb-25

जिएनआरसि शयमाइल दालाइनि 18थि गायसन्थाय सान खुंदों 'जिएनआरसि स्पर्श' बिथांखि बेखेवदों

गुवाहाटी, 8 फेब्रुवारी: सा-सान्जानि सुपार स्पेसियेलिटी हस्पिटाल जिएनआरसि देहा फाहामसलिल गुवाहाटीनि शयमाइल दालाइआ राइजो-राजाफोरनिस्सिम थाद'नाय गैयाजासे देहा सिबिथाइ होनाने दिनें जाफुंसारनायजों 18थि बोसोराव आगान होबाय। 18थि गायसन्थाय सान खुं'नायखौ लोब्ला लानाने दिनें नेडफि कनभेन्सन सेन्टाराव मोनसे जर'खा हाबाफारि खुं'नाय जादों। गायसन्थाय साननि हाबाफारियाव आसामनि समाज जिउसिम मख'जाथाव बिहोमा होबोनाय साने जर'खा सुबुं मुं'दांखा दे'खोगिरि नमिता भत्ताचार्य आरो असमीया प्रतिदिन खौरां बिलाइनि मावफुं सुजुगिरि धैज्य हाज'रिका मोनखौ मान बउदों। खरसा खालामनो हाथावना देहा बिथांखि आरो जिएनआरसि ग्रुप अफ हस्पिटलनि गायसनगिरि डा. नमल चन्द्र बराआ समजानि गासैबो थाखोनि थाखाय गोजौ थाखोनि देहा सिबिथायखौ



बाइइ खालामनायनि बिथिडव जिएनआरसि देहा फाहामसलिलयाव आजावना लानाय माखासे थांखिफोरनि सोमोन्दै गुवारै बिबुंथि लाखियो। दिनेंनि बे गायसन्थाय साननि हाबाफारियाव गाहाइ आलासि दे'खोगिरि नमिता भत्ताचार्य आरो माननि आलासि महैर बाहागो लाफैनाय मावफुं सुजुगिरि धैज्य हाज'रिका मोनहा 'जिएनआरसि स्पर्श' बिथांखि 'खौ गुवाहाटीनि राइजो-राजाफोरनि थाखाय बेखेवना होयो। जिएनआरसि स्वपर्श बिथांखिनि दाथायफोरा जाबाय- 1. जायखि जाया बैसोनि सुबुंखौ बे बिथांखिनि

सिडव लाफानाय जागोन। 2. बे बिथांखिनि सिडव थिसनफाजानो बोसोराव 1500 रां गथायनांगोन। 3. ब्रै दाननि गेजेराव फाहामगिरि, नार्सजों लोगोसे सोद्रोमानि न'सिम थानांनै देहा आन्जाद नायनायजों लोगोसे फाहामथायनि बोसोन होनाय जागोन। 4. जिएनआरसि शयमाइल दालायसिम फैनय गुवाहाटी सहरनि जायखि जाया इमार्जेन्सि जानाय बेराम जानायफोरनि थाखाय बेसेनानडै एम्बुलेन्स सिबिथाय होनाय जागोन। 5. मोनफ्रोम ब्रै दाननि गेजेराव सोद्रोमानि न'सिम थानांनै बे

सोद्रोमानि थै आन्जाद नायनाय, बिपि आरो लिरथाइ आन्जाद नायनाय जागोन। 6. बोसोराव खेबसे इसिजि खालामनाय जागोन। 7. जिएनआरसि शयमाइलनि अर्पिडिआव बोसोराव खेबनै किडनी, निउर'लजिस्ट, कार्डियलजी बेरामनि फाहामगिरिफोरनि गेजेरजों फाहामथायनि बोसोन होनाय जादों। 8. आइजो आरो गथ'सा सोद्रोमाफोरा बोसोराव खेबनै फारिया- गायन 'लजिस्ट आरो गथ'सानि फाहामगिरिफोरनि गेजेरजों फाहामथायनि बोसोन मोन्ने हागोन। हाबाफारियाव खरसा खालामनो हाथावना देहा बिथांखि आरो जिएनआरसि ग्रुप अफ हस्पिटलनि गायसनगिरि डा. नमल चन्द्र बराआ फोरमायदोंदि, समाजनि गासैबो थाखोनि राइजो-राजाफोरा खाबु मोन्नाय बायदियै जिएनआरसि स्पर्श बिथांखिखौ बेखेवनाय जादों होन्नानै मख'नायजों लोगोसे देहा आगे फाहामसलिल सोमोन्दै बिबुंथि लाखिजों। □

फरायसालिनि सांग्रांथि गैयैनि थाखाय सासे फरायसाया सेकेन्डरि आन्जादआव जिरायनायनिफ्राय जानगाराव थानांसिगोन



बिनय नार्जिनारि/सोनाब बंग', 8 फेब्रुवारी: सोनाब बंग' राइज्योनि आलिपुरदुवार जिल्लानि पालाकाता ब्लकनि धनिरामपुर 1 ओन्सोलाव थानाय बेगम राबिया खानुन विद्यालयनि सासे फरायसाया फरायसालिनि सांग्रांथि गैयैनि थाखाय गेजेर आन्जादआव नुजाथिनो हायाखै। फरायसा जीत उड्डवनि नख'रा अजद होदोंदि, गासैबो बिखान्थिफोरखौ थि समावनो फोजोबनायनि उनावबो, फरायसालिनि बिबानगिरिफोरा बिबान गैयै खामानि मावदोंमोन, जायनि जाहोनाव फरायसाया आन्जादआव जिरायनो खाबुखौ

खोमाना लानांदों। नख'रारि सुलुइ बुं'बावदोंदि, जीतआ फर्मखौ मोजाडै आबु खालामदोंमोन आरो फरायसालिनि बिथोनफोरखौ मानिदोंमोन। नाथाय फरायसालिनि खुंथायारि सांग्रांथि गैयैनि थाखाय बिथानि मुं'खौ आन्जादिनि फारिलाइआव सोफानाय जायाखैमोन। बे बाश्राय सायाराइव फैनयनि उनाव, बिमा-बिफाया फरायसालिनि बिबानगिरिफोरनाव अजदलाइ होदोंमोन, नाथाय जेंनाया दासिमबो सुखांजायाखै। जायगानि थागिबिफोराबो बे जाथायनि सायाव रागा जौनाय फोरमायदों। बिथामोननि बायदिल्ला, फरायसालिनि बिबान गैयै बायदि खामानि मावनायनि जाहोनाव सासे मेलेमगोनां फरायसालिनि इयुना खोमसि जानांदों। जीत आरो बिथानि नख'रा बे आयदाखौ सोमोन्दो गेनां सोलोथाअ बिफान आरो जिल्ला खुंथाइनि नोजोराव लाबोनो नाजागासिनो दं। बे बिथिडव फरायसालिनि बिबानगिरिफोरा बुंदोंदि, बे जेंनाया जोबोद थाबैनो सुखां जागासिनो आरो थि राहा लानाय जादों जाहाथे फरायसाया आन्जादआव जिरायनो हायो। बबेखानि सोलोंथाइ बायदि गोनांथार आयदायाव बेबादि सांग्रांथि गैयैआ खुंथायनि बिबाननि सायाव सोलु सिखांदों। जायगानि सुबुंफोरा खुंथायारि आखाय होनो दाबि खालामदों जाहाथे जीत उड्डवआ न्याय मोनो आरो आन्जादआव बाहागो लानो हायो। □

सुंद'सल'
कनिन मसाहारी

जाखां फैबाय थायो मानो बै सभा

मोनेसे गामियाव साने बिसि फिसाय दंमोन। बिसोरहा नायल' जाल' सासे फिसा हावा दंमोन। बिनि मुडा नारदाव। नारदावा जेरावबो आखा फाखा, बियो खारनो बारनो, मोसानो, लेखा फरायानायाव गोरोमोन। नारदावा बैसागुआव जोबोर मोजाडै रंजा बाजा बैसागुखौ हगारा हरदोंमोन। बियो रानि आंखालाव लोखाखौ फरायफुंजोबो मोनाखै। बियो थाखो जि सिम फरायनांने मेट्रिक आन्जाद होनांने फरायनो मोनाखेमोन। नाथाय बियो फरायनो गोसो दंमोन। नाथाय नारदावआ मेट्रिक आन्जादखौ सेथि थाखोआव उथिनाने कलेजखौ हाबनो मोनाखैमोन। नारदावआ फरायनो मोनेनि दुखुजों आइ-आफायाबो बुर्बाय-बोरायबाय आं दा आया फाखौ फिसिनगो होन्नाने सांखि नागेरबाय नाथाय बिनि नागेरबाय छानायब बिफाया गोन्नब लोमजानानै थैनो गोनां जायो। नारदावआ मोनसे जायगायाव आरमि खारनाय जानायाव बे जायगायाव बाहागो लाहैयो आरो खारनांनै बे सांखियाव मेडिकेल नायनाय रेटेन खालामनाय बायदियाव गासैबोआवबो जाजोबबाय आरो नआव फैनानै बिमानो खोन्था फैयो आरो बिमायाबो खुसि जायो आरो बिमाखौ बुडे आयै नोंथ बुर्बाय नोंथ हारसिडै मावै दाडै जानो हाला नोडे हायोब्ला आंनो सासे मावनो दांनो गोरो हिन्जाव नागिरदो आडे सुथि मोनबानो नोंनो खोन्थानांने हरगोन आरो तारिक दानानै दोनखादो होन्नाने बुडे आरो बिमायाबो बुडे जागोनो फिसा होन्नाने बुडे। नारदावआ थानायनि समा जाबाय आरो थांबाय। नारदावआ थानानै बियो गावसिनि ट्रिनि फोरोरा जायगायाव थानानै मोजाडै मोजां सोलोंबाय आरो सोलोनानै ट्रिनिआ जोब्याय आरो बियो भारतनि गेटआव बंनंगो जानानै फैबाय। बैयाव बेंहैनायनि थिक बैसागुनि सिगां साननिफ्रायनो लानानै नै दान बन्द मोनबाय। फैनयनि सिगां नारदावआ बिमानो नआव खोन्था हरबाय आरो बियो बे खबरखौ मोनानै तारिक दानानै दोनो। तारिकआ संक्रान्ति बायानानै बैसागु दाननि नै अक्टआवनो जागोन आरो नारदावआ नआव फैनानै सोफैबाय आयै आं बुं'नाय बायदि बानाय बाय नामा ? औ फिसा बानायबाय हिन्जावा मा नाम आरो बबे गामिनि आयै ? हिन्जावनि मुडा देलाइसि गामिया तुरिबारि। नारदावनि हाबाया फैयै फैयै फैनानै जाबाय। नारदावनि हाबायाव गेदेर उन्दै, बोराय बुर् गसिबो रंजादों बेबायदियैनो नारदावनि हाबाया जोबलाडो आरो बिसोर रंजा बाजा नखराव जौना गैया जासे बिमा फिसा बिहामजो रायजो जायो। नारदावनि बन्दआ जोबो आरो भारतनि गेटआव नेप्रा जाहैयो। बेबायदियैनो नेयै नेयै नेनानै बियो ननिफ्राय मोनसे खौरां मोन्नायसे गावना सासे फिसा हावा मोन्नायसे। बे फिसा हावांनि मुंखो अजय दोन्नासै। नारदावा बे बायदियैनो 5 बोसोर बैंबाय थादों आरो गाव मा दानाव बेथन मोन्नायखौ नआव हरदों। बेबायदियैनो

सानसेखालि बिनि बिसि देलाइसिया बैसागु समाव नारदावनो गांसे लाइजामजों लोगोसे रुमाल गांसे हरदों। देलाइसि हरनाय लाइजामखौ मोनानै बियो फरायबाय आरो बैसागुआ गामियाव रंजानायखौ गोसोखांबाय आरो गाव मा खालामनांनौ बेखौ बावगारलाना गोसो खाडै गोसोखाडे गावनि उन्दैनिफ्राय सेंग्रा बैसोसिम रंजानायखौ गोसो खांजोबबाय आरो बे समावनो उग्रफन्ट फोरा माब्लाबानो हाबफैबाय बिसोर जों फैयो नारदावआ थरसे गुल्लिनि सोदोब खोनाब्लासो बियो सुथि मोनो। सुथि मोनब्ला बियो सांग्रां गैयामोन। बेबायदियैनो हाखु दाखु थाखुमाना गावलायो नारदावआ गावनि थरबा गुल्लिजों साबा बिभ्रायारिफोरखौ फोथैयो आरो सासे बिभ्रायारिजों थरसे गुल्लि हगारनायखौ नुयैआव नांजाना गावबो जिउ खोमानांनौ जायो। बेबायदि जानायलाय गावलायनाय जोबखांनयनि उनाव बिसोरनि लोगोफ्रा लानानै फैयो अब्ला बिसोरनि नखराव सासे बिमा बुर्लेमोन बियो सानबाय आंनि फिसालायनो आरमियाव आरो जौनाव मानो आरमि फैबायखो सानानै सियार बेन्स जा दं बेखौ बरनना होदों। आरमिफोर फैबा नारदावनि बिसिया लोगोफोरजों जौ मागि हैदोंमोन। आरो बिमाया चियार बरननायाव बिसोरनि केपेटेइन्आ बर मोन बियो बिमाय आयं जोंहा जिरायनायनि सम गैया नोंनि आंगोनि फिसालाया बिभ्रायारिफोरजों गावलायनायाव थरसे गुल्लिजों नांजानानै थैबाय जोंहा जौनि नेयम बायदि सावनानै माबारनो थानांनौ बुंबाय बुंनया लोगो लोगो बेबायदि सासे मोजां मानसिया थैबाय होन्नाय लोगो लोगो गामिनि बैसागु रंजानाया दसेनो सिरि जायो आरो नारदावखौ सावनायाव बयबो हेफाजाब होयो। बे नारदावनि जिउखौ देलाइसिया फांसे लामानि खान्थाल बिफां सिडव 12.00 रिंगायाव गावनि फिसालाखौ लाना बैसागु समाव गोसोखांदों। बे समावनो गावजों बैसोनि समान लोगोनि मानसिफ्रा सासे गावजों गोरोबपलेनाया थिक मोनाबिलि रंजाबोयै रंजाबोयै रंजानानै देलाइसि मोनाव रंजानो फैनयाव लामायाव नुनानै देलाइसिखौ खेलायनानै दौ होन्नाने बागदाव होनो सान्दोंमोन नाथाय देलाइसिया बागदावहोनायखौ बमानि सोदोब खोनाना फिट जायो आरो हायाव गोल्लैयो अब्ला फिसालाया गावदों। बेनि बेबायदि जानायखौ नुनानै लोगोफ्रा गसिबो दै दासोमना होदों आरो दसे उनाव देलाइसिया सुथि मोन्दों अब्ला देलाइसिया बुंदों आं बैसागुखौ सानाव फालिनो बायो मोनायावसो फालिनो मोजां मोनो होना बुंदों आरो गावनि लोगोनाव दोनखोमाखानाय दंमोन होना बुंनानै बियो गावसिनाव जौ लॉनो लेंलांदों। बे समनिफ्रायनो देलाइसिया बैसागुखौ सानाव फालिया हसिया बेलासियावसो फालियो। □

रंजालि गथ'फोरनि सौरा

मा मावना फिसिगोन

मा मावना फिसिगोन गैया नोंहा नोंनि आखाइयाव गाव खुंथाइ राहा नों साला फरायना लार्पो नांगो नों दानो जादों - हिनजावनि ख्लाव ख्लाव

मार गोरलै बादिसो नंदों नामा - नों संसार लैथोयाव सानस्त्रियो नायनि

- रैदोम बर', बाक्स

गोजान'नि आलासि

बिग्रायारि खन्थाइ लिरनाय दायव हमजानानै जोबथेसालियाव सोना दोनजानाय खन्थाइनि थाखायनो गोजान'नि आलासि

सबिराम बर' राबां, बाक्स

बाइफलेनाय मिजिं

फागुनि जावलिआ बारजों बुसोम जानानै मँनाय देहाखौ लानानै आगान सुरलांदोंमोन रजे, आं नोंखौ लोगो हमनो होन्नाने, बै जिउनि लांगोनायाव। नाथाय दिनें आं अननो रोडै फागुनि जावलिआ बारजों बुखार लांजाबाय रजे नोंनि बेसेबांवा गोजानाव। जाखां फॅयो दाबो रजे, नोंनि मिनिखैरो मिनिनाइआ सिमां मोकथां साया-माया आंनि साखाथियाव। हांमा थाबाय रजे, नोंखौ लोगो मोनैयाव दाहा थाबाय रजे नोंखौ नुयैआव। माबोरै बावनो रजे, नोंनि बे दावखौआंनि बायदि गोदे गारांजों राइज्लायनायखौ। बे जोनोमाव गैया रजे, बै जोनोमाव नोंखौनो अराय समनि थाखाय, नेनानै थाबाय थागोन आं रजे जिउनि लांगोनायाव।

पुष्या कुमार ब्रह्म गसाइगाव जिल्ला:-कक्राझार

दासान नों अनजालु

दासान नों अनजालु आंखौ अनजालि होननानै, साननानै दा ला नों अनजालु आंखौ गावनि असे होननानै। अनजालु, आं नोंनि अननायखौ नागारनो हाया, थैवबो आं नोंनि आंगोनि जानो हाया। नों जाबाय हाग्रानि मोसा आं जाबाय न'निनो दावसा, हाजों अखांजों गोरोबगोनोबो जेब्लाबो नड थामसा। गाबोननो आं नोंनि असे जागोन खैफोर समाव सोर नायफिनगोन ? फागुनि जावलिआ बारा बुसोमगोन अब्ला आंखौ सोर बोखांगोन ? दासान नों अनजालु आंजों मोजां मोननायनि खेला गेलेनो। आंथ' गांसेबो लाइजाम हरारखैमोन नाथाय नों.....नों गामियाव माबोरै बदनाम होखो ? आंखौ मोजां मोनो होननानै। हाबाब ! दासान दासान अनजालु नों आंखौ मोजां मोनो होननानै, नों मिथिया नामा मोजां मोननाया खेला नड होननानै नाथाय, नाथाय नों हारिनि थाखाय मोजां मावनो ना आंखौसो नोजोर होनो ? दासान नों अनजालु.....।

थरायना फुन' बर'

बेरेखा

दैसा जिंयाव हारिसि जिरायना, फारि फारि नायलांदों आं, सोरगिदि मिथिगानि समायना नुथाय, अब्लाबो नुनो मोनाखै बिसोरनि गेजेराव बेरेखा साखाथिनि फैलाव फोथाराव दावसिन-दावला रंगिना खुसि आदार खनजादों। दावखा, दावथु, दावश्री, फानफेवयाली, दावब', गुबुन गुबुन अब्लाबो अराय खौसे। बोहैलानाय दैसान दैयावबो दडे, सान्त्र हायै बायदि फोलेरनि ना। दावलाडो बिसोर खौसेयै हान्जा-हान्जा। जाफेराखै माब्लाबाबो मानिबा थाखाय दावहा इसोरनि देरसिन सोरजिनि गेजेराव बिदा-बिनावाव, बिबथै -बियादै जाति-बंस' जाबायदों दिनें दौलतनि गिरु-बालु, मुगैथाव, गोमोथाव खुरुक्षेत्र दावहा मानो, मानि थाखाय, मा मुलाम्फा नागिरनानै

देबासोन ब्रह्म वेंतल, एड्स एस सेथि बोसोर

आंनि अनजारा बेसेन गैया

आंनि अननाया बेसेन गैया रजे मोजोमसे जिउखौ लानानै होदोंमोन आं रजे नोंनो बेसेन गैयै अननाइ। सानदोंमोन आं रजे नोंखौ लाना गोजोन संसार जानो, नोंनि अननायजों आंनि मोजोमसे जिउवा बेसे खुसिमोन। नाथाय दा फैमाल खालाम लांबाय नों रजे आंनि जिउखौ गोदाव सोराव। आं मिथि मोनासे रजे नोंनि सायाव आं मा दाय मावफलांखो ? फोरमाय हर रजे नों आनो लायजामनि गेजेरजों दाबो नेनानै दं आं नोंनि लायजाम मोनगोन सानना। आंनि अननाया बेसेन गैया, आंनि जिउआव हाजासे थिदोंमोन आं रजे नोंनोनो होनो गोरबोनि अननाय। सुजु दोंमोन आंनि नोंनि थाखायनो दांसे गोदै गोथाव खनथाय। जेबोला फैगोन बै नोंनि आंनि जुलि, आव खननो रैसुमै गारांजों, दाबो फोरमायहर नों सना आंनि सिगाडव नोंखौ आं दाबो मोजां मोनो आरो बावाखै होननानै गोजोन मोनगोन आंनि बेसेन गैयै जिउवा।

समेन नार्जारी पाटगाँव जिला-कक्राझार बि टि सि आसाम।

आंनि अननायखौ नाजावदो

नाजावदो नों स'ना अनजालि आंनि गोरबो सिनि फंसे राव। बजबना लादो नों आंखौ गावनि आंगोनि असे सानानै आंखौ। सान्दोंमोन आं नोंखौ लानानै बे बुहुम बिखायाव आलो गोजोन संसार जालानो। नाथाय, नों दिनें आंनि नुनाय सिमांखौ नों अनजालिया फैमाल खालामसे खालामनानैबो आंखौ दिनें आंनि बिखायाव दावदावबो लोगोसे गालांफाबाय। बे खौरां बिलाइनि गेजेरजों नों अनजालिनिस्सिम फोरमाय हरबाय।

मुसि महेश्वर नार्जारी गामिनि: 1 न गोजोनफुरि जिल्ला: कक्राझार (बि टि सि) आसाम।

(सुंद' सल')

मुखि सुकाल नाजरी

गोसोथोनायनि माला

बे लासि सम।

सोनाब फें सालियाव साना गावनि लाजि गुसु मोखांखौ दाखलाब-दाख्लब जोमैन सिडख थाखोमाना फांथेबायदों। फागुन दाननि जाडलिया बाराबो दर्सेनि हादि-गोरान बिलाड-बुखारबुखार गुबुन जायगा फारसेथिं लांखारदों। बेसमावनो निजोम आरो लोखिया खोथा होखानाय बादि गावसिनि मोजां मोनलायनायनि गोसो गोबॉनि गोथी बाथा रायचलायनो भुर दैमानि सेर सेर बेरायबायदों। दैमा सेरव रावबो गैया। सानजानिफ्राय बारबोनाय खोलो खोलो बारा बिसोरनि गाननाय जि फोरखो रोफे रोफे बिरखारहोदों। निजोमा थाबायनाय फावैनो गावसोरनि सिगांथिं बिरलांनय जरासे हांसो सिलारिखौ आसि दिन्थिनानै लोखिनो खिन्था हरनानै बुडे। : लोखि ... ! : मा आदा.... ? : बँ बिरलांनय जरासे हांसो सिलारिखौ नुहरुदों ना.... ? : आदा नुहरुदों ना ... ? : बेसेदि ... ! रुजु-रुसु रायलायनानै बिरलांदों नडसे लोखि। : बिरलांदों आदा। : आदि नोंखौ लानानै नैवे देमा सेराव बेरायदों, थिंक बेबादिनो बिसेरबो सासेया सोरबा सासे अनजलिखौ लानानै बेरायदों जानांगौ। नडब्ला, मानोथो जरा लानानै बिरलांदों....! : नंगौ, आदा। बिसोरबो गावसिनि मोनलायनायनि - मोनलायनि बाथाखौ लानानै रायलाय लांदों जानांगौ। निजोम आरो लेखिया सानैजों सें सें थाबायो. सानैबो मोखांजों -मोखां नायलायनानै रायलाय लाडे आरो इसे गोजान थाबाय लानायनि उनाव दैमा सेरनि फांसे बैग्नि बिफां खाथिआव मोनहैयो। : लोखि..... ! : मा आदा ? : नैवे बिफां सेरावनो जिरायदिनि बावनो जिरायदो। लोखिया जिरायो आरो निजोमाबो बिनि मोखाडाव खेबसे नायना सानजाहा मोखां जानानै सें जिरायफायो। निजोमा

गावनि गस्तायाव मानबायनाय मोझेमखौ बुखानानै लोखिखौ नोजेर होनानै बुडे- : लोखि जों सानैनि मोजां मोनलायनायनि गेजेराव लोगो हमलायनांगौ खाबुवा गोजान जाबोनो हमबाय नडसे.... ? : नंगौ, आदा ! नाथाय, गोजान जाबोबाय होन्नानै नों आंखौ बावलांनो दासान। आंनि मेगना नुबाय थायाब्लाबो गोसोआ नाथाय अराय नोंजोनो थाबाय थागोन। : लोखि ... जोंनि मोजां मोनलायनाया गोबाव जाबोखो....! बिनि गेजेराव जों सानैबो लाइजामनि गेजेराव जों सानैबो लाइजामनि गेजेरजॉल' फोरमायलायनो खाबु मोनो। लोखिसारि अंहा गोसो सिंजों फोथायनाय दं, बे गुवार संसाराव जों सानैनि मोजां मोनलायनाया मोकथाडाव जुलिनि देंखोबोनानै ! : आदा ... नों मा बूनो सानदों, बेखौ दिनेनो दानो आंनि सिगाडाव फोरमायखा। जों सानैनि मोजां मोनलायनायखौ रावनिबो मेगनाव सिखोमानो हानाय नंला। : नंगौ, लोखि ... ! बेयो थार बाथा जों सानैनि अनलायनायखौ इसेबाबो मोनथिबाय जानांगौ गामिनि मानसिफोरा। बिनि थाखायनो, आं मोनसे खालामनो सानदों, लोखि ! नों गनायोब्ला !! : मा खालामनो, आदा। आं गनायना लागोन। : लोखि जों सानैनि मोजां मोनलायनायखौ रावबो बस'नो हाये बादि गोप दौलेंजों खानानै दोननो सानदों आं मानोना, जों सानैजों लोगो हमलायनाय थानायखौ मालायफोरा नुबाय थायोब्ला दसा सानलांनो हागौ। नोंमा सानो लोखि..... ? : नंगौ, आदा। जों सानैनि सिरि-सिरि अनलायनायखौ गुबुनफ्राथाल मोनबाय। नाथाय ... आदा, गुबुन जिरादखौ बावलांनोबो, नों आदाखौ आं अरायबो बावनो हानाय नडा। गुबुनफोरा मोनथियोब्ला मा सानो सानलांथों। : मोदोमनाय बिबारखौ

होखोमानो हाया स'ना। जोंनि अनलायनायखौ मालायफ्रा मोनथिथों। थेवब्लाबो जों दोंसे लामाजों आगान सुरलांनंगोन। समा रावखौबो नेनानै थाबाय थाया, लोखि। आंबो न'आव थाबाय थानो मोना। बेखायनो आं दिने नोंखौ लोगो मोननानै जोबोद गोजोनाय मोनदों। लोखि ... मानसिया सानो गसायआ सिफायो होन्नाय बाथा दंखायो। बेनिखायनो आं नोंखो मोजां मोननायनि नेरसन दोननो आरो जोबथा रादाय खानानै लाखानो सानदों। नों मा सानो लोखि। लोखिया गाननि मोखांखो न'खराव आगान हैबासो मिथियो। लोखि नांगोन। इयुनाव आं जों सानैनि मन्दिरखौ लुगोन। बेबादि बुंखानानै निजोमा गंसिनानै थाबाय थायो। लोखियाबो रायलायनो गोसो जाया आरो बियो निजोमखौल गल' नायगोमोबाय थायो। दसे समनि उनाव निजोमा लोखिनि माखाडाव नायनानै बुडे- : लोखि ... ! : मा ... ? : संसाराव जों सानैनि जुलिया जानांगौ मोकथां मुलुगाव।

नखराव गोरिब, बेखौ नों मानो साननो हादिआ आदा आदा ... सनानि मालाजों मोजां मोनलायनायनि साखि दोननायखौ आं बे जोनोमाव बावनाय नंला। जोबथा रादाय खानानै सिरिये थानो मोननाय नड सम सम लाइजाम हरनानै नों आनो फोरमाय हरनांगोन। निजोमा लोखिनि मोखां फारसे नायो आरो दुखुनि गारांजों बुंलाडे- : लोखि ... नंगौ, आं सासे गोरिब, निखावरि। नाथाय ! आंनि बिखानि सान्नाय आरो अननाया निखावरि बादि नडा। आं गावनि गैया निखावरिखौ न'खराव आगान हैबासो मिथियो। लोखि नांगोन। इयुनाव आं जों सानैनि मन्दिरखौ लुगोन। बेबादि बुंखानानै निजोमा गंसिनानै थाबाय थायो। लोखियाबो रायलायनो गोसो जाया आरो बियो निजोमखौल गल' नायगोमोबाय थायो। दसे समनि उनाव निजोमा लोखिनि माखाडाव नायनानै बुडे- : लोखि ... ! : मा ... ? : संसाराव जों सानैनि जुलिया जानांगौ मोकथां मुलुगाव।

दाखलमथों: आनान गसाया जों सानैनि अनलायनायखौ जुदा जुदा। लोखि ... नोंनि बे गोदोनायाव थानाय मालायाओ आंनि नोंखौ आवगिनानै लाखानाय जाबाय। स'ना ... नॉल' गोसोखौ जाडलिया बाराव दाहरगारसै। बेनो आंनि, नोंनि बिखायाव मोजां मोननायनि गोजों जिनचि। बुंखानाय लोगो लोगो निजोमनि मोखाडाव मानिबा साइखतुम सागलोबफैयो आरो गाहायाव नायगनानै थाबाय थायो। बेखौ नुनानै लोखिया गिलिद गारांजों निजोमनि मोदोमाव नारनानै बुडे- : आदा नों आंनि गोदोनायाव स'नानि मालाखौ सोनानै दोनबाय, बेनो आंनि बिखायाव नोंनि महर जानानै थार्थोंसै। नोंखौ नुवाब्लाबो आं बे मालाखौनो नाययै नाययै नोंखौ गोसोखांबाय थासिगोन। आदा ... ! माखौ सानहाबबाय थाखो? माखौ सानहाबबाय थाखो..... ? : नाथाय ... ! निजोमनि गोसोआ साननायजोनो देबोर नांदों। बेनि गोसोआव, सानसेखालि लोखि बिफाजों लाजिफोनॉ जानाय आरो रायजा हरनाय सावागरिखौ फारि-फारि गोसो खांहरदों। बिनि थाखायनो लोखिखौ नांला

होन्नानै गारबायमोन निजोमा। नाथाय लोखिनि खुथार खुथार गावनानै बुंनाय रावजों सोखे जानानै सहायनो हायैनि गोसो दाजाबनाय जादों। एम.इ. स्कुलाव फरायनाय समनिफ्रायनो गोसो थोलायनायखौ गावसानो हायैबादि जानानै उनाव लाभनि दौलेंखौ सानैजों सुत्रायनाय लाफिनदोंमोन निजोमाबो। सानैनि बो अननायनि निजिरायाबो जेबो मैला गैया जासे बोहै फिननो बोलो मोनखांदोंमोन। निजोमा हारसिं खोमसि-दरसि गोसो लानानै सान बाय थाफलाडे... ! लोखिया बेसेबां गोनांनि फिसाजो। बेखो नायोब्ला आं बादिया बेसेरनि बान्दा, खामानि मावग्रासो जानो समायो। अखांनि हाथरिखौ बावना जानानै थुखलायनो थानाय बादिसो मोनकाडे आं। एसे गोबाव आं लोखिखौ आंनि गोफार नोजेरजों खानानै लाबाय आंनि बिबार बागाननि बारसे गंलाप बिबार महैरे सानबोबाय अनबोबाय बे जोनोमाव आं बिनि अननायखौ थैस' थस'नि थाखाय मोनफुडब्ला, आंनि गोसोआ मा जागोन..... ! बे समावनो लोखिया निजोमनि मोदोमाव बुयो आरो दुखुनि गारांजों बुंवावयो, -

: मानो ... इसेबां दुखु जाखो ? आदा। माखौ सानबाय थाखो ? निजोमा लोखिनि मोखाडाव सोम-सोम नायनानै बुंखाडे,- : लोखि बियो जाखांलांनय सिनारि। जाय जाथाया आंनि मेगन फेछालिआव रुंगु गैया जासे जाखांफैबाय थायो। गोसोआ मानोबा सानस'नो हाया जायो। लोखि ... संसाराव गैयाआ बयजोंबो मुगै जायो। बिसोर राहानि आंखाल। नों जाबाय, अखांनि थरसे जोंब्लाउनय अलंबार। नोंनि गोसोआ इयुनाव सोलायनो लामा लायोब्ला, आंनि गोसोआ मा खालामनो हागोन ? नों आंनिफ्राय मालाबाबो गोजान जानानै थाडथ' ?? लोखिया दुखु मोननानै मोखां सोम-सोम जालाडे आरो गावनि साद्विनि रोबैजों मोखां फांथेनानै बुडे- जिदु आय-आफाया जोंनि अनलायनायखौ बोखानो साननानै आंखौ गुबुन जायगायाव दोनहैयोब्लाबो आं नोंखो बावनाय नडा, सोद खारखुमा बोनानै नोंनिआव खारसन फैगोन आं। नडब्ला थाबेनो कर्ट मेरिज लाहैनांगोन। : लोखि ... नोंनि थाखाय हाखु दाखु सोरजोंबा जुलि खालामना

होयोब्ला नों मात्रै फैनो हानो स'ना बे जोनोमाव नोंनि थाखाय बोदोर ? : बे जोनोमाव नोंजों जुलि जानो मोनाब्ला, आंनि जिड आबो अस'खान्दा जागोन आदा। निजोमाबो दुखुनि गारांजों आगोर मोना जानानै बुंवावयो, होनबा ... आंनि जिडआबो ससे आवनो गोमोर लांगोन। लोखि ..इयुनि खोथाखौ लानानै बांद्राय सावरायनो दुखु जानो नांलिया। गमामायै उनाव जायोब्ला जों सानैबो खौसे गोसो जानानै बे जेनानिफ्राय बारग'नो हानांगोन। जाबाय लोखि... गोसोफोरखौ दिनेनिफ्राय खौसेयै संत्रायनानै लादोनि। थुदो, लोखि मुलुगनि राजा अरुनि दामोला गोमोर लांनोसै हरै सोनाब दिगियाव खिन्थानो हागोन नैवे भुर हैसायानो जोंनि अननाय आरो मोजां मोननायनि दुखु सुखु फावथिनाखौ। जेब्लासिम भुर दैमानि दैया राजानै थाडा अब्लासिम जों सानैनि मोजां मोनलायनायनि दौलेंआ जानानै थानाय नडा। बिनो जों सानैनि समाइ खिरा ग'साइनि खाथियाव खुलुमबाय। थांदिनि लोखि खोमसिबाय। दर्सेनि उनाव सानैबो न' फारसे आगान सुरलाडे।

सुंद' सल' मुश्री गुथाल बर' जुलि खालार

एस एल सि नि रिजाला होबायमोन। सोमखोरा रिजालखौ नायनानै नुबायदि बियो फास्ट डिभिसन फास जानानै मोनथाम आयदायाव लेथार मोन्नानै 80% आव फास जाबाय। सोमखोरा गावजों फरायबोनाय समायनाखौ मोजां मोनो जिउयै माहामै असे आंगोनि सान्नायै। समायनाया गुफर गावदां गोजू गिदिर नामजों महर मुसिजों एखे। समायना मोनिन नआबो भालुकमारि ग। म। व. ने। सोमखोरमोननिजों समायना मोनिन नआ गोदान-गोजाम जालायो। भालुकमारि गामिआ गिदिरखाय सा-भालुकमारि खोला भालुकमारि गामिआव रादनों बे सा भालुकमारि आवनो समायना मोनिन नआ। सोमखोर मोनिन नआ समायनायाबो बिमा-बिफानि सासेल' फिसाजोखाय समायनानि अनसोगारो। समायनानि बिफाया गामिआवनो एम इ स्कुलआव गाहाय फोरोंगिरिनि साखि मावयो। समायनाखौ बिमा-बिफाया लेखा-फरा फोरोंनानै मानसि गिदिर खालामनायनि मिजिं दं। समायनाया दा

भालुकमारि गामिआव फरायो। बियो ऐबार थाखो जि (10) आ फरायखसोंनानै मेट्रिंक आनजाद होगोन। समायनाया एड्स एस एल सि आनजाद होखानानै आनजादआ मोजां जादोंना जायाखे बेखौ थाम दानावसो मिथिसिगोन सान्नायै ननि हाबा हुखाआव नांथाबनायसै। समायनायाबो मोजां मोनो सोमखोरखौ। गावसोर उन्दैआवनो समाय लालाय खादों। गावसोर सोरजोंबा हाबा जायोब्ला गावसोरनि समायखिरा मथे खामानि मावगोन होन्नानै। समायनानि एस एस एल सि नि आनजादिनि रिजाला होबाय होन्नानै। समायनाया मोनसे आयदायाव लेथार मोन्देब्लाबो नैथि थाखोयवसो फास जाबाय। समायनाया गाव सेथि थाखोखौ लुबैदोंब्लाबो मोनैनि गावनि सायाव रागा जोंनानै दुखु खालामदोंमोन। बेखौ मिथिनानै दुखु खालामनो नाड होन्नानै बिमा-बिफाफ्रा बुरखायनायसै। दिनें सोमखोरा कक्राझार साइन्स कलेजआव सेथि बोसोरारव मुं थिसन होदोंमोन। समायनायाबो बे कलेजआवनो मुं थिसनदोंमोन। बे समावनो सोमखोर।

भालुकमारि गामिआव फरायो। बियो ऐबार थाखो जि (10) आ फरायखसोंनानै मेट्रिंक आनजाद होगोन। समायनाया एड्स एस एल सि आनजाद होखानानै आनजादआ मोजां जादोंना जायाखे बेखौ थाम दानावसो मिथिसिगोन सान्नायै ननि हाबा हुखाआव नांथाबनायसै। समायनायाबो मोजां मोनो सोमखोरखौ। गावसोर उन्दैआवनो समाय लालाय खादों। गावसोर सोरजोंबा हाबा जायोब्ला गावसोरनि समायखिरा मथे खामानि मावगोन होन्नानै। समायनानि एस एस एल सि नि आनजादिनि रिजाला होबाय होन्नानै। समायनाया मोनसे आयदायाव लेथार मोन्देब्लाबो नैथि थाखोयवसो फास जाबाय। समायनाया गाव सेथि थाखोखौ लुबैदोंब्लाबो मोनैनि गावनि सायाव रागा जोंनानै दुखु खालामदोंमोन। बेखौ मिथिनानै दुखु खालामनो नाड होन्नानै बिमा-बिफाफ्रा बुरखायनायसै। दिनें सोमखोरा कक्राझार साइन्स कलेजआव सेथि बोसोरारव मुं थिसन होदोंमोन। समायनायाबो बे कलेजआवनो मुं थिसनदोंमोन। बे समावनो सोमखोर।

बिगियानगिरिफोरा अमानि किडनीखौ जाफुंसार महै सुबुंनाव ट्रान्सप्लान्ट खालामनो हादों

बस्टन, 8 फेब्रुवारी : बिगियानगिरिफोरा अमानि जिनआव सोलायहोनानै बिनि किडनी सुबुंनाव जाफुंसारै ट्रान्सप्लान्ट खालामो। आथिखालाव बेमारिया आबुडे गहाम जाना देहा फाहामसालिनिफ्राय डिस्चार्ज जानानै न'आव फैबाय। बे जाफुंसारनायजों भारतआ मुलुगनाडे किडनी फेल्यारजों भुगिनांनय लाख-लाख बेमारिफोरनि थाखाय मिजिंनि मोनसे सोरां लाबोयोदि, आथिखालाव ट्रान्सप्लान्टनि थाखाय गोबाव सम नेनांनय नंलिया। सर्जनफोरा थानाय जानुवारी दानआव अमानि किडनीखौ 66 बोसोर बैसोनि सुबुंनाव जाफुंसारै ट्रान्सप्लान्ट खालामो। बे किडनीआ ओरैबायदि अमानि, जायनि जिनआव सोलायदोंमोन। मेसायुजुखौ जानुवारी जोबनायव



साजरी खालामदोंमोन आरो 1 सप्ताहनि उनाव बिखी डिस्चार्ज होयो। आमेरिकायाव अमानि किडनीनि बेयो ब्रैथि खेव ट्रान्सप्लान्टमोन। बेनि सिगां सानै बेमारिफोरा ट्रान्सप्लान्ट खालामनायनि उनाव खम समनि गेजेरावनो जिउ गोमादोंमोन। जायफोरनि गेजेराव सासे बेमारिया ट्रान्सप्लान्टनि सिगां गोब्राबे बेमारिमोन। मख'नो गोनांदि, आमेरिकायाव 1 लाखनिखुडू बांसिन सुबुंफोरा ट्रान्सप्लान्टनि अंगफोरनि थाखाय बेदि लिस्टआव दं। बिसोरनि गेजेराव बांसिन सुबुंफोरनो किडनी ट्रान्सप्लान्ट खालामनांगौ। नाथाय अंगफोरनि आंखालआव गोबां सुबुंफोरा

नेनानै जिउ गोमायो। बेनिखायनो ट्रान्सप्लान्ट अंगफोरनि आंखालखौ जानागर खालामनो थाखाय माखासे बायटेक कम्पनीफोरा अमाफोरनि जिनआव सोलायहोगासिनो दं, जायजों बिसोरनि अंगफोरखौ सुबुंनि देहाया रिजेक्ट खालामा। क्लीनिके ल ट्रायेलआव बायटेक कम्पनी इजेनेसिसनि गेजेरजों थियारि खालामनाय अंगफोरखौ बाहायगासिनो दं। नैथि क्लिनिके ल ट्रायेलखौ बे बोसोरनि फैगौ दाननि गेजेराव सा 6 बेमारिफोरजों लोगोसे जागायगोन। बेनि उनाव बेमारिफोरनि अन्जिमाया बांनानै सा 50 जाहैगोन।

नआव थानानै समायनाखौ नेनायसै। र'सालिआ बेखो दिनें नआव फैयोब्ला होनाय लोगो लोगोनो समायनाया नआव फैन नायसै। अब्ला बिफाया गुरै गारांजों सोंपलाबाय समायना आय कलेज एडमिसनआ मोनबाय। औ आफा। मानोथो गोबाव जाबोआ। आफा आं लोबोफोरनाव हाबबोनाय समाव गोबाव जाबोदों आफा। नंखाय नों आंखौ थगानयो दासान समायना। नों सोमखोरखौ सिनायो नामा औ आफा नोंहा सोमखोरजों मा सोमोन्दो दं। आं सोमखोरखौ मोजां मोनो आफा बेवो आंखौ मोजां मोनो 'हि इस लाभ मि'। मा नों सोमखोरखौ मोजां मोनो। उन्दैनिफ्रायनो देरजासिम मा नांगौ मा नाड होबोनानै दिनें नो 'गोसो थोदों'। नों दिनेंनिफ्राय सोमखोरखौ लोगो हमनो मोनला होन्नानै बुयो, सोबायो राययो आरो न' सिडाव जोबनानै दोनो। फासैथिं सोमखोर बिफायाबो समायनाखौ गोसो थोदों होन्नानै रायो, बुयो, आरो सोबायो बेखोबो न सिडाव जोबनानै दोनो। सान हर जेबो जाया दै लोड गारा दिन थांहोबाय थायो सोमखोरा। समायनायाबो जेबो जाया गारा बिसिनिया उन्दुसोनानै गाबो। अब्लासो समायना बिमा बिफा आरो सोमखोरनि बिमा बिफाया मा खालामनो होन्नानै खाफाल सौयै-सौयै गाबो। फिसाजोनि बिदि हालोदखौ नुनानै समायना बिमा-बिफाया सोमखोरजों जुलि होनो आरो फिसाजोनि मोजांनि थाखाय जुलि होनो थिरांथा लायो। फारसेथिं सोमखोरनि बिदि हालोदखौ नुनानै सोमखोर बिमा-बिफायाबो जिंगासिनो हमो। बिसोरनो फिसाजोनि मोजांनि थाखाय समायना जों जुलि होनो थिरांथा लायो। सोमखोर आरो सोमखोरनि बिमा बिफाया समायना मोनिन नआव थानानै सोमखोर आरो समायनाय थाखाय जुलिनि खालार दाननो समायना मोनिन नआव थानायसै। बिसोरखौ फैनय नुनानै समायना बिमा-बिफाया आलासि सिबिनो मोन्नानै गोजोनदोंमोन आरो हाबानि बिदि अगेन हाबा मावदों। समायना बिफाया गोसो गिलिदजों नआव थानायसै।

कालिफुखि गोजौ गेजेरारि फरायसालिनि सनाथि माइथाय फोबोआ खुंजागासिनो दइ



बासुगाव, 8 फेब्रुवारि: कक्राझार जिल्लानि सालाकाटि उफ्रा पुलिस बादानि सिडव थानाय कालिफुखि गोजौ गेजेरारि फरायसालियाय सनाथि माइथाय फोबो फालिथायआ खुंजागासिनो दइ। 1975 माइथाय गायसनजानाय कालिफुखि गोजौ गेजेरारि फरायसालिया 50 बोसोरव आगान होबाय। बेखौ लानानै मैया 7 निफ्राय फेगो 9 फेब्रुवारिसिम सानथामनाडै हाबाफारिजो खुंजागासिनो दइ। सनाथि माइथाय फोबोनि दिने नैथि सान (8 फेब्रुवारि) खालि बेलासिआव गुन गोनां आरो खामानि गोनां सोलोथाय आयदाफारिखौ लानानै मोनसे सावराय मेल खुंजाय जादें। फरायसालिया सामलाय आफादनि आफादगिरि सहेन चन्द्र रायनि आफादगिरि मासि सोमोलायनाय खुंजाय मेलाव गाहाइ सावरायगिरि महरै सरसनसा गावनि बिबुंधि होदें। जर'खायै फरायसा आरो बिमा-बिफाफोरनि गोसोखौ बोनो हानाय आजिरा मोन्नाय गोरगुं लक्षिनाथ ब्रह्मा। बिथाड बुंदेंदि, फरायसालिनि आन्जादावल्' बासिन नाम्बार मोनब्लानो गुन गोनां आरो खामानि गोनां सोलोथायखौ फोस्माया। बासिन नाम्बार लानानै उथिसारनो थाखाय नड, मिबथिनो एबा रँगोथिनि थाखाय सोलोथाय लानांगो। बिथाड बुंदेंदि, सुबुंफोरा बैसो जायोब्ला लावथि (थखन) लानो गोनां जायो। फरायसालिया बैसो जायोब्ला जौगागाथानायनि जख्खायवि सिगानानै जौगा-मोगा महर मोनो। मख'नो गोनांदि, कालिफुखि गोजौ फरायसालिया दिने 50 बोसोरव आगान होनायखौ लानानै जौगा-मागायै सनाथि माइथाय फोबो फालिदें। हाबाफारियाव आजिरा मोन्नाय आबाद बिबानगिरि लक्षेश्वर राय, बड'लेण्ड मुलुगसोलोसालिनि लोगो बिबुंधिगिरि रुस्तम ब्रह्म, कक्राझार सरकारि गोसैसिन गेजेरारि आरो थांखि गोबां फरायसालिनि लोगो फोरोंगिरि धनन्जय बर्मनमोनहा थिखानाय आयदाफारिनि सायाव गोसो बोनो हानाय बिबुंधि होदें। जर'खायै लक्षेश्वर रायआ गुबुन गुबुन हातदनि सोलोथाय बादे भरतबर्षनि सोलोथाय राहाखौ रूजुथाय महरै गुवारे बिबुंधि लाखिदें। बिथाड मबाविल फननि मुलाम्फा गोनां आयदानि सायावबो फरायसाफोरखौ थांखिनानै बिबुंधि लाखिदें। हाबाफारियै फुं समाव गेलेमु बादायलायनाय, फरायसाफोरनि गेजेरारि दँखो, मोसानाय बादायलायनाय खुंजाय जादें। मख'नो गोनांदि, हाबाफारि बायदियै गाबोनो जोबथा सानखालि हारिमुआरि लामा हान्जा सुरनाय, गोदान-गोजाम फरायसाफोरनि जथुम, मान बाउनाय आरो गेवलां मेल खुंजाय जागोन।

माजबातनि मेराबिल आव इउ पि एल दोलोलोआ राइजो-राजाफोरनो कम्बल रान्दें होदें



माजबात, 8 फेब्रुवारि: उदालगुरि जिल्लानि माजबात ओन्सोलआव बि टि आर सरकार खुंथाइनि गोहोआव थानाय इउ पि एल राजखान्थि दोलोआ थांनाय माखासे सिगां समफोरनिफ्रायनो गुबुन गुबुन रोखोमनि सुबुं सिबिथाय खामानि मावबोगासिनो थार्दें। थांनाय माखासे सम सिगांनिफ्राय माब्लाबा गेलेमु क्लावफोरनो गेलेमुनि गोनां मुवा-बेसाद, माब्लाबा मेगनआव जेंना गोनां सुबुंफोरनि थाखाय बेसेन नाडैमेगन फाहामथाय बाद आरो माब्लाबा गोरिब थाखोनि सुबुंफोरनो गोनां मुवा-बेसादफोर जगायनानै होबोदें। दिनेबो फिन इउ पि एल दोलोआ सुबुं सिबिथायनि मोनसे बाखानयथाव खामानि मावनायखौ नुनो मोनबावदें। उदालगुरि जिल्लानि मेराबिलआव दिने गोरिब सुबुंफोरनो गोजां बोथोराव गोनां जानाय बायदियै इउ पि एल दोलोनिफ्राय गोबां गोरिब थाखोनि सुबुंफोरनो कम्बल रान्दानै होनाय जादें। दिने 39 नं पासनै सेरफां बि टि सि बियाबनि सिडव थानाय मेराबिल भि.सि.डि.सि.आव बि टि सिनि गाहाइ मावफुं सोद्रोमा प्रमद बर'नि अ एस डि राजु तकालआ गोरिब आइजोफोरनो कम्बल रान्दानै होनो मोनानै गोजोन्याय फोरमायो। बेराफारसे नांगो समाव बेबायदि अन्सुथाइ होनायनि थाखाय गोजोन्यायजौ सबायखर जासिदें कम्बल मोन्याय आइजोफोरा। दिनेनि कम्बल रान्दानै होनाय हाबाफारियाव पासनै सेरफां बियाबनि इउ पि एल दोलोनि गोबां दैदिनगिरिफोराबो बाहागो लादेंमोन।

(1 बिलाइनिफ्राय) साहित्य अकादेमि आरो बर' आइजो लिरगिरि गौथुमनि बान्जायनायाव बां रावआरि आइजो खन्थाइगिरि मेल खुदें

मासिगिरि बिबान लानानै सामलायो बर' आइजो लिरगिरि गौथुमनि लेखइ आफादगिरि प्रफेसार इन्दिरा बर'आ। सबायख'र बाउबो बर' आइजो लिरगिरि गौथुमनि गाहाइ नेहाथारि भाजिन जेकभा मोसाहारिआ। बराय बिबुंधि लाखियो साहित्य अकादेमि बर' सुबुरनारि आफादनि सोद्रोमा ङ बिजितगिरि बसुमतारिआ। मख'नो गोनांदि, बे हाबाफारियाव बर' आइजो लिरगिरि गौथुमनि बिबानगिरि, मावथि सोद्रोमाफोरजो लोगोसे बर' बिफाननि गासै बिबुंगोरा, सजिरगिरि आरो फरायसाफोराबो बाहागो लायो। गुबुन गुबुन गौथुम आरो फसथाननि मददजो साहित्य अकादेमिनि बेबायदिनो गोबां गुबुन गुबुन हाबाफारिफोरबायदिनो " बां रावआरि आइजो खन्थाइगिरि मेल " हाबाफारिनि गेजेरजोबो थोंजोडे बर'ल' नड हावरायनि गुबुन गुबुन हावरा सुबुंफोरनोबो खाबु मोन्नाय थरिनो गोजोनथाव बाथा होन्नाइ बाहागो लागिरि बिथांमोनहा बुंधिदें।

बिटिआरनि दर 5 जिल्लाफोरनि थाखाय कक्राझारआव एडभानटेज आसाम 2.0 नि मावबादा खुंदें

एडमिनिस्ट्रेटिव स्टाफ कलेजआव एडभानटेज आसाम 2.0 नि सायाव मोनसे मावबादा खुंजाय जादें। आसामनि केबिनेट मन्थि आरो कक्राझारनि दिथागिरि मन्थि उखांव गोरा ब्रह्मआ दिनेनि बे मावबादायाव बाहागो लादें। हाबाफारियाव बाहागो लानानै बिथाड बुंदेंदि, बिटिआरनि गासै जिल्लाफोराव दारिमिनजों लोगोसे फालांगियारि बिथिडव रं थिसन्नाय आयदानि सायाव दिनेनि बे मावबादानि गेजेरजो माखासे मावथांखिफोर लानाय जादें। एडभानटेज आसाम 2.0 खौ रंखांन्थि जौगानायनि थाखाय फालांगियारि बिथिडव मोनसे गोनांथार प्लेटफर्म महरै बरनायानानै फालांगि बिगोमाफोर एबा दारिमिनगिरिफोरखौ ओन्सोलआव फालांगि बिथिडव मदत होनो थाखाय डिजाइन खालामनाय सरकारि बिथांखिफोरखौ रेबथुमनो आरो मुलाम्फा लानो थाखाय थुलुंगा होदें। लोगोसे मन्थि ब्रह्मआ बिटिआरनि फालांगिफोरखौ 25 आरो 26 फेब्रुवारिआव जानो गोनां एडभानटेज आसाम 2.0 जथुम्मायाव सांग्राडे बाहागो लानो खावलायदें। बेजों लोगोसेनो गोदान दारिमिनारि जौगानायनि खाबुफोरखौ जगायनांगोननि गोनांथिखौ फोरमायदें मन्थि ब्रह्मआ। बिथाड बुंबावदेंदि, बेबायदि हाबाफारिया भारतिनि जौगानायखौ गोखोसिन खालामनायाव आसामआबो मख'जाथाव बिफाव लागोन। बेनिखायनो जॉनि बिटिआर हालामावबो माखासे रंखांन्थि जौगानायनि फालांगि खोन्दोफोर जैरे- दावबाइथाय आयदायाव रइमना नेसनेल पार्कखौ फोजोखानाय, उदालगुरियाव साहा आबादिनि दारिमिनखौ फोजोन्याय, बेरे फिसिन्याय, अमा फिसिन्याय बायदि फालांगिखौ जौगा होनायनि सायाव नोजोर होदें होन्नाइ एडभानटेज आसाम 2.0 खौ जगायनायनि थाखाय आसामनि गिबि मन्थि ङ हिमन्त बिश्व शर्मानिसिम बाखानायनानै बिटिआर आरो आसाम मोननेआवबो रं थिसनगिरि-लोगोआरि सोरबिथिं खान्थिखौ जौगाहोनो थानाय सरकारनि रादायखौ रोखा खालामनो खावलायो। बे हाबाफारियावनो कक्राझार जिल्ला बैंगिरि माचान्दा एम. पांतिनआबो बाहागो लानानै ओन्सोलआरि रंखांन्थि जौगानायखौ दैदिनगिरिफोरा थिथाय दिनेनि मावबादायाव बाहागो लाफेन्याय गुबुन गुबुन बिफाननि मावख'गिरिफोरखौ गोखोडे थियारि जानो खावलायो।

मन्स सरुपेतानि माहारियारि फावथिना गौमायाव बिटिआरनि बुंधिगिरि कातिराम बर'आ बाहागो लाफेदें

माहारियारि फावथिना गौमानि दिने नैथि साननि 'कासिनाथ तालुकदार आरो कल्लल देका गोसोखांथि फावथिना मोनाबिलि' आयदाफारिखौ बेखेवना होदें। कातिराम बर'आ फावथिना हारिमुनि सायाव बिजरिथाय बिबुंधि लाखियो। भायलिना डेकाआ सामलायनाय बेखेवनाय मेलाव आसाम जिब-जुनात आरो हांसो-दाव निगमनि मासिगिरि मनज शइकिया, बजालि जिल्लानि लेडइ जिल्ला बैंगिरि उर्मि मेथि, भवानिपुर दख'र गुदि देहा आरो फाहामथाय बिबानगिरि डा. देबजित चौधुरी, बरपेट जिल्लानि साहित्य सभानि बारग' आलादगिरि रामकृष्ण तालुकदार, मुदंडाखा अरिमुगिरि-फावथिनागिरि लबन्ध डेकामोनहा जर'खा आलासिम महरै बिबुंधि लाखिदें। लोगोसेनो फावथिनागिरि मन्स्य भुजा, सालबारनि टिसिएलसिसिनि मासिगिरि बिन्द मुसाहारि, आजिरा मोन्नाय गुन गोनां फोरोंगिरि धिरेन्द्र चन्द्र बर्मनमोनहा माननि आलासिम महरै बाहागो लाफेदें। मख'नो गोनांदि, जगायजेनायावनो रंसारि कासिनाथ तालुकदार आरो कल्लल डेकानि सावगारियाव मान बाउनायनि उनाव आलारि बाति फोजोडे फाहामगिरि डा. देबजित चौधुरीआ। मख'नो गोनांदि, दिने फावथिना मोनाबिलियाव गुवाहाटीनि पुर्वरंगआ मन्स्य भुजानि सुजुनाय आरो गुनाकर देव गस्वामोनि सामलायनायजों डूनासाज श्री गुरुवे नाम आरो सोनाब बंग कलकतानि नन्दिकारआ अर्गदिनि सुजुनाय आरो सामलायनाय फावथिना जल्तेकाखौ जाफुंसरे दिन्थिदें। मोनैबो फावथिनाया नुजाथिफेनाय नायगिरिफोरनि गोसोखौ बोनो हादें।

बिटिसिनि बारग' लेडाइ गाहाइ मावफुं सोद्रोमा खाम्फा बरगयारिआ इउपिपिएलआव हावफैवाय

गावनि गोबां हेफाजाबगिरिफोरखौ लानानै इउ पि एल दोलोआव जयेन जाबाय खाम्फा बरगयारिआ। हाबाफारि बायदियै इउ पि एल दोलोआव हावफेनाय खाम्फा बरगयारिखौ बेन्ड पांरि दामनानै हौवा गोदान बरायनाय बायदि दोलै नोगोरै बरायदें इफ पि एल दोलोआ। मख'नो गोनांदि, बेनि सिगांबो माखासे बिपिएफ दोलो नागरानानै इउपिपिएल दोलोआव माखासे दैदिनगिरिफोरा हावफेदें। नाथाय राजखान्थियारि फोथाराव राफोद जाबोनाय इउपिपिएल दोलोनि आफादगिरि प्रमद बर'नि बायदियै खाम्फा बरगयारिनि बिथिडव आलादा थांखि लानायखौ नुनो मोन्नाय जादें। बिटिसिनि बारग' गाहाइ आरो बिपिएफ दोलोनि आफादगिरि हाग्रामा महिलारिनि फोथायजाग्रा एबा बिपिएफ दोलोनि किं मेकार खाम्फा बरगयारिखौ गावनि दोलोसिम लाबोन्याय जाबाय सासे रँगोथि गोनां राजखान्थिगिरिया दोलोनि सोद्रोमा जानाया हेथा बादायगिरि हाग्रामा महिलारिनि राजखान्थिखौ जेनायाव गोप्लेहोनाय। बेनि थाखायनो गावनि बिटिसि निव'र बियाबआव माखासे रोजा हेफजाबगिरिफोरखौ लानानै बिपिएफ दोलोखौ नागराना इउपिपिएल दोलोआव हावफेनाय बिटिसिनि बारग' लेडइ गाहाइ मावफुं सोद्रोमा खाम्फा बरगयारिखौ दिने बरायनाय हाबाफारिया आलादा जादें। मख'नो गोनांदि, चिरां जिल्लानि 14 नं. चिरां दुवार बि टि सि बियाबनि सिडव थानाय टइकाझार गेलेग्रा फोथाराव दिने हाबाफारि बादिद्यै बिटिसिनि खुंथायाव थानाय इउपिपिएल दोलोआव खाम्फा बरगयारिआ हावफेयो। बे समावनो बिथांखौ हाबाफारि बादिद्यै आर'नाइ, बिबारनि माला गानहोनानै इउपिपिएल दोलोआव आफादगिरि आरो बिटिसिनि गाहाइ मावफुं सोद्रोमा प्रमद बर'आ बराय मान बाउदें। दिने बे दोलोआव हावफेनाय हाबाफारियाव बिटिसिनि लेडइ गाहाइ मावफुं सोद्रोमा गन्दि चन्द्र बसुमतारि, मन्थि इडजि ब्रह्म, इउपिपिएल दोलोनि गाहाइ नेहाथारि राजु नाजरी, रइज्यो सभानि एमपि रेनगोर नाजरी, लक्षसभानि एमपि जयन्त बसुमतारि, एमएलए जिन बसुमतारि, कुमर सोद्रोमा रंजित बसुमतारि, ङ निलतु स्वरिगियारि, साइखं बसुमतारि, सिदली बियाबनि एमएलए निर्मल कुमार ब्रह्म, एमसिएलए माधव चन्द्र सेत्रि आरो बारग' मन्थि चन्दन ब्रह्ममोनजों लोगोसे जिल्ला आरो ब्लक आफादिनि माखासे दैदिनगिरिफोरा बाहागो लाफेदें। मख'नो गोनांदि, गावनि दैदिनायावनो गोखौ जानाय बिपिएफ दोलोखौ नागरानानै मोनसे समनि सुधुर इउपिपिएल राजखान्थि दोलोनि सोद्रोमा जानानै खाम्फा बरगयारिआ आरोबाव फिन फोरमान खालामनानै होदेंदि, राजखान्थियाव जानो हाथावै जेबो गेया। बड'लेण्डआव 17 बोसोर खुंथाइ सामलायनाय बिपिएफ दोलोखौ जेनायाव गोप्लेहोनो हानाय इउपिपिएल दोलोनि आफादगिरि प्रमद बर'नि दोलोआव हावफेनाय हाबाफारियाव खाम्फा बरगयारिआ बुंदेंदि, बिपिएफनि बरनिखुड्को गेदेत लोखांथिया जाबाय, दोलोआव जुथाय सावरायलथनि थांखि लानायनि खान्थि गेया। आं जायखि जाया गोहो, धोन लुबेनानै दोलोआव फेयराखे। बिटिसिनि ओन्सोलारि दोलो मोनेनि राजखान्थियारि जेना-जैसि, दावराव-दावसिआ गामि ओन्सोलनि रइजो-राजाफोरनि ओन्सोलाव गोसार्दें। बेयो समाजनि थाखाय माब्लाबाबो मुलाम्फा गोनां नड। बेखौ आं मिजिंथियाखेमोन। प्रमद बर'नि दैदिनायाव बड'लेण्डआव जाय गोजोन आरो जौगाथाया फेदें बे थासाखिखौ जोबोदे गोखे खालामनो थाखाय खामानि मावनो फेदें। बिथाड बड'लेण्डआव गोजोन थासाखिया गिदिबोफिनबाय होन्नाइ बड'लेण्डआव दिने हादत-गुबुन हादतनि आलासिफोरा दावबायफेदें होना दाबि खालामो। बे हाबाफारियावनो प्रमद बर'आ बुंदेंदि, लबि दैदिनगिरिखौ जॉनि इउपिपिएलनिफ्राय टिकेट होआ। बेनि अनगायै बिजाथिनिफोरनि टिकेटनि थाखाय जॉनो 1 रंबो नाड। बिपिएफ दोलोआसो रं लायो होना सोंखांनिय बिबुंधि लाखिदें। बिपिएफ दोलोनिफ्राय ऑंखाबोनाय खाम्फा बरगयारिखौ दिने जों बरायबाय। बे खेबनिफ्राय जों जयै बिटिआरआव गोजोन आरो जौगाथायनि खामानि मावलांगोन। बिथाड बुंबावदेंदि, आथिखालाव बिपिएफनि माखासे दैदिनगिरिफोरा इउपिपिएलजों जगाजग खालामागसिनो दइ आरो बिसोरबो थाबैनो फेसिगोन होना मिबथिहोयो। मेलआव बाहागो लाफेनानै इउपिपिएलनि गायसनगिरि-आफादगिरि आरो मन्थि उखांव गोरा ब्रह्मआबो बिबुंधि लाखिदें।

“बर' थुनलाइयाव गुनेस्वर मुसाहारिनि बिहोमा ” आयदानि सायाव सावराय जथुम

ङ बाबुलाल आहुजाया आरो बिथाडनो दिनेनि बे सावराय जथुमखौ बेखेवनानै होयो। बेखेवनाय मेलखौ मासिगिरि महरै सामलायो बड'लेण्ड मुलुग सोलोसालिनि रेबसुगोरा ङ सुबुं बसुमतारिआ। बराय बिबुंधि लाखियो साहित्य अकादेमि बर' सुबुरनारि आफादनि सोद्रोमा जैसि बर'आ। सावराय जथुमाव रंसारि गुनेस्वर मुसाहारिनि गुबुन गुबुन बिथिफोरखौ सावरायनाय जायो। बे सावराय जथुमाव गासै सा 6 लिबदिदां फरायगिरिफोरा बाहागो लायो। लिबदिदां फरायगिरि महरै ङ अजित बर'आ गुनेस्वर मोसाहारिनि गासै बिहोथायनि सायाव फरायथियो। भवानी बागलारीआ गुनेस्वर मोसाहारिनि आबु जिउ आरो समाजारि बिहोथायनि सायाव बुंधियो। गनेस बर'आ गुनेस्वर मुसाहारिनि रावस्लायनाय थुनलाइनि सायाव लिबदिदां फरायथियो। खोमथा नाजरीआ बिथांनि सुद' सल' बिजाब " दाइना " नि सायाव लिबदिदां फरायथियो। ङ लाइसि महिलारिआ गुनेस्वर मुसाहारिनि हा फिसा हौवा दाउ खन्थाइ बिजाबनि सायाव लिबदिदां फरायथियो। गुबुन फारसेथि मनिका गयारिआ गुनेस्वर मुसाहारिनि फावथाय बिजाब " बादि " नि सायाव फरायथियो। सावराय जथुमखौ मासिगिरि महरै सामलायो ङ भौमिक चन्द्र बर'आ। सबायख'र बाउनाय हाबाफारिखौ मावफुडे बर' बिफाननि बारग' फरायसा गौथुमनि नेहाथारि अमरजित दैमारिआ।

दिल्ली बिधान सभा बिसायख'थिनि फिथाइ

जनता पार्टीनि दैदिनगिरि आरो सोद्रोमाफोरनि गेजेरारि रंजानायनि दोहौ जादें। मानोना दिने फोसावनाय बिसायख'थिनि फिथाइआव भारतीय जनता पार्टीआ मोन 70 मासिनि गेजेरारि मोन 48 मासिखौ देरहासार जानो हायो। बेराफार्से 10 बोसोर सम दिल्ली रइज्यो खुंथाइनि गोहोआव थानाय आरो बारग' गिबि मन्थि अर्बिन्द केजरिवालनि दैदिनाय आम आदमी पार्टीआ मोन 22 मासिखौल' देरहानानै खुंथाइनि गोहोखौ बिजेपनि आखायाव खोमानानै लानाडे। बेराफार्से कंग्रेस दोलोआ दिल्ली बिधान सभा बिसायख'थियाव फारियै 3थि खेब सासेबो बिजाथिफोरखौ देरहाहोनो हायाखसै। मख'जाथावदि, बे खेबनि दिल्ली बिधान सभा बिसायख'थियाव 10 बोसोर खुंथाइ गोहोआव थानाय आम आदमी पार्टीनि माखासे गिबि सारिनि दैदिनगिरिफोराबो बिजेपनि बिजाथिफोरजो जेनो गोनां जादें। जर'खायै आम आदमी पार्टीनि गाहाइ आरो बारग' गिबि मन्थि अर्बिन्द केजरिवालआ गोदान दिल्ली बियाबआव बिजेपनि बिजाथि प्रभेस भर्माजों 4,089 भटनि फारागथियाव जेनाडे। बेबायदिनो जंगपुर बियाबनिफ्राय आम आदमी पार्टीनि गिबि सारिनि दैदिनगिरि मनिष सिशडियाआबो बिजेपनि बिजाथि तर्भिन्दर सिं मारवाहजों 675 भटनि फारागथियाव जेनाडे। ग्रेटार केलाश बियाबआव आपनि बिजाथि शौरभ बद्दामखौ बिजेपनि बिजाथि शिका रायआ 3,188 भटनि फारागथिजों फेजेनो। बेबायदिनो आपनि गोबां दैदिनगिरिफोरा बिजेपनि बिजाथिफोरजों जेनानै दिल्ली सरकार खुंथाइनि गोहोखौ खोमानानै लानाडे। मख'जाथावदि, गोब्राब नाजानायनि गेजेरजों मिरु खुंथाइनि गोहोआव थानाय भारतीय जनता पार्टीआ 27 बोसोरनि उनाव दिल्ली रइज्यो सरकार खुंथाइनि गोहोखौ गावसोरनि आवथायाव लाबोनो हादें।

मुम्बाइयाव माखासे उद्यगगिरिफोरखौ गिबि मन्थि ङ हिमन्त बिश्व शर्माआ लोगो हमदें

मन्थि हिमन्त बिश्व शर्माआ दिने मुम्बाइयाव जेएसडब्लिउ युपनि मासिगिरि सज्जन जिन्दलखौ लोगो हमनानै आसामाव खुंजानो गोनां जथुम्मासिम हांखायदें। बे लोगो हमलायनाय समाव गिबि मन्थि जेएसडब्लिउ युपनि मासिगिरिजों गुदि बिथा आरो गोहो खोन्दोआव रइज्यो सरकारजों फसथाननि बाहागोदारिनि जाथावनानि सोमोन्दोआव बाथ्रा सावरायलायो। जेएसडब्लिउ ग्रपनि मासिगिरिखौ गिबि मन्थिआ आसामाव इन्भेसमेन्टखौ थुलुंगाखां होनायखौ रइज्यो सरकारआ आजावना लानाय गुबुन गुबुन थांखिनि बाथ्राखौ फोरमायो। बिथाड बुंदेंदि, रइज्योआव मोनसे स्टार्टआप थसाारि सोरजिनारनि बिथिडव रइज्यो सरकारआ आथिखालाव थांखि आजावना लादें। रइज्यो सरकारआ बावेसोआव आसाम स्टार्टआप आरो इन्भेसन्त खान्थियाव गनायथि होदें होन्नाइ गिबि मन्थिआ बुंदेंदि, बेनि गेजेरजों सरकारआ उद्यगगिरिफोरखौ थुलुंगाखां होनो गुबुन गुबुन रंखांन्थि आरो रंखांन्थि नडे खाबु होनायनि थांखि लादें। गिबि मन्थिआ लोगोसे जेएसडब्लिउ युपनि मासिगिरिया फोस्मायदोदि, रइज्यो सरकारआ फेगो 5 बोसोरव 5 रोजा स्टार्टआपखौ हेफाजाब होनायजों लोगोसे 1 लाख इन्भेस्टमेन्ट सोरजिनारनि मोनसे थांखि लानानै सिगदें। गोथां सोमखोर गोहो अरजिनारनि बिथिडव आसामा थांखि लानायनि बाथ्राखौ मख'नानै गिबि मन्थिआ बुंदेंदि, रइज्योआव आथिखालाव प्लॉटि, सलार गोहो बिथांखि, बाय'-सिएनजिनफ्राय गोथां सोमखोर हाइडेजेनिमस गुबुन गुबुन बिथिडव इन्भेसमेन्टनि बिथिडव खाबु सोरजिदें। इन्भेस्ट खालामगिरिफोरनि थाखाय मोनसे मोजों लोगोआरि खान्थिखौ रइज्योआ थियारि खालामदें होन्नाइबो बुडे। गिबि मन्थि ङ शर्माआ दिने मुम्बाइयाव वेलस्पन वालर्डनि मासिगिरि बिके गयेंकाखौबो हमदें। लोगो हमनाय समाव गिबि मन्थिआ गयेंकाजों जि-जोम, गोहो, वाटार ट्रेडमेन्ट आरो गुदि बिथा बायदि खोन्दोफोरखौ लानानै सावरायलायदें। वेलस्पन वालर्डनि मासिगिरिखौ एडभान्टेज आसाम 2.0 जथुम्मासिम हांखायनानै फसथानखौ आसामनि गुबुन गुबुन खोन्दोआव खामानि मावनायनि बिथांखि लानायफोरखौ मावफुं महर होनायनि बिथिडव बे जथुम्माया मोनसे आरजाथाव जौसां जागोन होना गिबि मन्थिआ बुडे। दिनेनि मुम्बाइ दावबायनाय समावनो गिबि मन्थि ङ शर्माआ एशर युपनि लेडइ मासिगिरि रबि रुइयाखौबो लोगो हमदें। बे लोगो हमलायनाय गिबि मन्थिआ आसामाव मोब्लिबआरि ट्राक दिहनुनाय आरो गोदानथि खालामनाय गोहो बिथांखिनि गायसन्नायाव फसथानजों हेफाजाबनि मिजिंथिजानाय आयदानाय सावरायलायो। गिबि मन्थिआ लोगोसे एशर युपनि लेडइ मासिगिरिखौ एडभान्टेज आसाम 2.0 जथुम्मासिम हांखायो।

रइज्यो बैंगिरिआ एसामीस अफ दा इयार आरो लाइफ टाइम एचिभमेन्ट बान्थाखौ अनुराधा शर्मा पुजारि आरो दैपेन बरुवानो गथायबाय

आलासि महरै हांखायनाय बायदियै बाहागो लादें आसामनि रइज्यो बैंगिरि लक्ष्मन प्रशाद आचार्यआ। हाबाफारियाव गाहाइ आलासि महरै बाहागो लानानै रइज्यो बैंगिरि आचार्यआ अनुराधा शर्मा पुजारिओ एसामीस अफ दा इयार बान्था आरो दैपेन बरुवानो लाइफ टाइम एचिभमेन्ट बान्थाखौ गावनि आखायजों गथायनानै होयो। मख'नाय जायोदि, प्राइड इस्थ कनक्लेभ-2025 खौ निउस लाइभ खौरां बिजॉनि 17थि बोसोर आरो नर्थ-इस्थ लाइ (इराजि आरो हिन्दी) खौरां बिजॉं चेनेलनि 7थि बोसोर आबुं जानायनि लोब्बाजों फालिनाय जादें। हाबाफारियाव बाहागो लानानै रइज्यो बैंगिरिआ गावनि बिबुंधि लाखिनायाव बुडेदि, प्राइड इस्थ युपआ आसाम आरो सा-सान्जा रइज्योनि खौरां बिजॉनि फोथाराव मख'जाथाव बिहोमा होबोदें। थांयाय 17 बोसोर सम प्राइड इस्थ युपजों सामलायजानाय निउस लाइभ आरो नर्थ-इस्थ लाइभ (इराजि आरो हिन्दी) खौरां बिजॉं आ आसामजों लोगोसे दुलाराय सा-सान्जाआवनो खौरां फोसावनायनि गेजेरजों रइज्यो दानाय आरो समाज फोसावनाय बिथिडव गोखोडे खामानि मावबोदें। दिनेनि बे गोबाव बोसोर हाथिबोनायनि गोथार सानआव आं निउस लाइभ आरो नर्थ-इस्थ लाइभनि साफ्रोमबो मावफारियाफोरनिमिस हामब्लायथि जासियो। बिथाड बुंबावोदि, खौरां बिजॉंआ समाजआव दाजाबथाइआरि सोलायनाय लाबोनो हायो। प्राइड इस्थ युपनि सिएमडि थामहेनबा गिबि मन्थि ङ हिमन्त बिश्व शर्मानि अन्सुलि बिसि रिनीक भुजा शर्मानिसिम 17 बोसोर सम खौरां बिजॉं दैदिनबोनानि थाखाय साबायखर जासिनानै फैबाय थानाय समाव आसामनि थागिबि सुबुंफोरनि, रइज्योनि रंखांन्थि, समाजखान्थि, सोलोथाइ, सुबुं सम्पद आरो दारिमिन बिथिडव मुलाम्फा जानाय बायदि खौरां फोसावनानै प्राइड इस्थ युपनि साफ्रोमबो मावफारियाफोरनिमिस खावलायो रइज्यो बैंगिरि आचार्यआ।

भेरगाव बियाबआव आसाम आइन आफादिनि बुंधिगिरि बिस्वजित दैमारिनि मख'जाथाव जौगाथायनि खामानि

बुंधिगिरि बिस्वजित दैमारिनि बियाबआ। बेनिनो गुबुन मोनसेबाव बिदिन्थि महरै दिनेबो आर आइ दि एफ - 3 एक्स नाबार्डनि 2024 - 25 माइथायनि रं बावजाजों गाहाइ मन्थि जौगाखां पाक्का लामा लुफुंनाय मावबिथांखिनि गेजेरजों 7 कौटि रं खरसा खालामना भेरगावनिफ्राय खाराबारि ओन्सोलनि पटला गामिसिम खमैबो 7.500 किल 'मिटर गोलाव जान्थानि पाक्का लामा खालामनाय आरो गुवार फुवारनाय खामानिनि अन्थाइ खाम्फा गायसनदें आसाम आइन आफादिनि बुंधिगिरि बिस्वजित दैमारिआ। बे अन्थाइ खाम्फा गायसन्नाय हाबाफारियाव मदद होयो बि टि आरो गेलेमु आरो हारिमु बिफाननि मावफुं सोद्रोमा दावबायसा बर'आ। खाराबारिफ्राय मददकुमा सदर थावनि भेरगाव आरो टंलासिम थालाय-फैलाय हान्था मेला राहावारा रइजो-राजाफोरनि थाखाय जेंना जादेंमोन आरो बे लामाखौ फुवारना पाक्का खालामना मोजों राहा खालामना होनायनि थाखाय बुंधिगिरि दैमारिनिमिस साबायख'र बावहरो मावफुं सोद्रोमा बर'आ। उदालगुरि जिल्ला बि जे पि राजखान्थि हान्जानि नेहाथारि जौसां बर'आ सामलायनाय दिनेनि अन्थाइ खाम्फा गाइसन्नाय हाबाफारियाव एबसु, आरसु आरो आसा फरायसा आफादिनि भेरगाव, दिमाकुचि, खाराबारि दख'र आफादिनि दैदिनगिरि बिथांमोनहा बाहागो लायो। बुंधिगिरि दैमारिआ मोनफ्रोमबो फरायसा आफादिनि दैदिनगिरि आरो मावथि सोद्रोमाफोरखौ बेबायदि ओन्सोलनि जौगाथायनि थाखाय खामानि मावनायाव बाहागो लाफनो आरो मदद होफानो खावलायो। मानोना फरायसा आफादिनिफ्रायनो गाबोन समफोरनि गेजेरार एबा फैबाय थानाय आरो ओन्सोलनि जौगाथायनि खामानि मावनो थाखाय साफा-साफा दैदिनगिरि जानो गांगोन। बेनिखायनो दानिफ्रायनो बेबायदि समनिफ्रायनो बेबायदि मोजों खामानियाव लोब्बा होनाया गोनांथि दइ। अब्लासो दिनेनि दिनाव जों मावलांनो हायै सानस्लाबनो हायै खामानिफोरखौ फैबाय थानाय सानफोराव मोजाडै मोजों सान्नाय हनायजों आवगाय लांनो हागोन होन्नाइ दिनेनि सानाव हाबाफारियाव बाहागो लानाय मोनफ्रोमबो हारि-हारिसाफोरनि फरायसा आफादफोरनि दैदिनगिरिफोरखौ थांखिना आवगायबोनो खावलायो दैमारि बिथाड। दिनेनि हाबाफारियावनो बि जे पि-इउ पि एलनि ब्लक मण्डल कमिटिनि पतिक कसारि, दिपेन बर', राजिब भाव, भेरगाव जौगाखां खोन्दोनि आफादिगिरि मनमहन बर', बि जे पि राजखान्थि हान्जानि गोखौ मावथि राजेन बर', बिथांमोनजों लोगोसे हान्जानि मावथि सोद्रोमाफोरा हाबाफारियाव मैखोमै बाहागो लायो। गुबुनफारसे बे गिबि मन्थि पाक्का लामा लुफुंनाय मावबिथांखिनि गेजेरजोंनो लुफुंनो गोनां अरंगाजुलि-बामुनजुलि- दिमाकुचिनि फ्राय 10 किल 'मिटरसो लामाखौ गोदानै पाक्काना लुफुंनो आरो फुवारनो थाखाय अन्थाइ खाम्फा गायसन्नाय जायो।

गाहाम देहानि राहा

इउरिक एसिडनि थाखाय तेजपात बिलाइआ मुलाम्फा गोनां

इउरिक एसिडआ जॉनि देहायाव थानाय मोनसे टक्सिन, जायखौं जॉनि किडनीया फिल्टर खालामो। बबेखानि जेव्हा किडनीया इउरिक एसिडखौं फिल्टर खालामनो हाया जायो अक्ला बेयो देहायाव ज'मा जानो हम्पो। लासै-लासैनो इउरिक एसिडआ क्रिस्टलनि महर लायो आरो ज'राफोर आरो हान्युआव जमा जानो हम्पो। बेखौं गोसोआव लाखिनांगोनदि, नोंथानि आदाराबो इउरिक एसिड बांनयनि मोनसे जाहोन जानो हागौ। जेव्हा आदाराव प्युरिन जाग्रा आदरानि बिबाड गोबां जायो, अक्ला थैयाव इउरिक एसिडनि थाखोआ बांनो हम्पो। बेनि जाहोनाव जरायाव असुबिदा जायो। इउरिक एसिडखौं बाडइ खालामनो थाखाय, नोंथाड मुलिफोरनि अनगा माखासे नख'रारि राहाफोर बाहायनो हायो।



ओंखाम संग्रायाव मोनो हानाय बिलाइफोरा इउरिक एसिडखौं सामलायनायाव जोबोद गोहोम गोनां। तेजपात बिलाइफोरखौं जानानै नोंथाड इउरिक एसिडनि थाखोखौं सामलायनो हायो। तेजपात बिलाइफोरा भिटाडिमिन्सी आरो ए आरो फलिक एसिडजें बुंफबनाय, जाय सावस्निन थाखाय मुलाम्फा गोनां। बे बिलाइफोराव गोबां मुलियारि गुनफोरजें लोगोसे फ्लेभ'नइडस थायो, जाय इउरिक एसिड बांनयखौं होबथायो। बेयो थैयाव इउरिक एसिडनि थाखोखौं बाडइ खालामनायाव मदद होनो

थाखाय हासुदें दिहुनायखौंबो बांहोयो। गोजौ इउरिक एसिड गोनां सुबुंफोरा बे बिलाइनि साहा एबा देकक्सनखौं जानो हागौ। बेखौं थियारि खालामनो थाखाय 10-20 तेजबिलाइ लानांगो आरो गंसे बर्तनआव गिलासथाम दै लानांगो आरो तेजपात बिलाइखौं होनांगो आरो फुदुंनंगो। बे बिलाइनि साहा लोनाया नोनि इउरिक एसिडखौं सामलायनायाव मदद होगोन। बे बिलाइया आदरानि मोदोमनायखौल' बांहोआ नाथाय मुलियारि गुनफोरजेंबो बुंफबनाय।□

रेखाआ 'खुन भरी मांग' सावथुननि थाखाय नेसनेल एवार्ड देरहादोमोन

रेखाआ गावसिनि समनि सुपरस्टारमोन, आथिखालाव बिथाडा सावथुनाव एक्टिव नड। नाथाय दिनैसिम बिथाड समाइनयैनो दड। बिथाडा गावनि केरियारआव माखासे ओरैबायदि सावथुनफोर खालामदों, जायनि थाखाय अन्सायगिरिफोरा बिथांखौं दिनैसिमबो गोसो खाडो। बेफोरनि गेजेरावनो मोनसे सावथुना ओरैबायदिमोन, जाय बिथांनि केरियारखौं रेखा खालामदोंमोन। 1988 आव रिलिज जानाय बे सावथुना नायगिरिफोरखौं गोजांस्रिब होदोंमोन। सावथुननि सिन्सफोरा रिलिज जानाय लोगो-लोगोनो बक्स अफिसआव दोहौ सोमजिहोदोंमोन। बे सावथुना बै सोबोरनि 5थि बयनिखुइ रं आरजिनो हानाय सावथुन जानो हादोंमोन। बे सावथुननि मुंआनो जादों 'खुन भरी मांग।' बे एक्शन थ्रिलर सावथुना 1988 माइथायाव रिलिज जादोंमोन। सावथुनाव रेखा नि अनगायै कबिर बेदि, सनु वालिया, कादर खान, सतुध्न सिन्हा आरो



जोबोद गिथावनामोन आरो नायगिरिफोराबो गिनो हम्दोंमोन। बबेखानि आरतिनि जिउआ रेखा मोनो। बिथाडा सासे सरसनखानिफ्राय गात्रि नायजाथावै मोखानि आइजो जायो, नाथाय बे जाथायनि उनाव आरतिआ प्लास्टिक सार्जरी खालामजायो आरो ग्लेमास लुक जायो। जायनि उनाव सन्जय बर्मानि थाखाय बिथांखौं सिनायनो हानया गोब्राव जायो। उनाव आरतिआ सन्जयखौं खिथेर लानो फैयो। बे सावथुनाव रेखाआ समाइना एक्टि खालामदोंमोन। बे सावथुननि बाजेटआ खमैबो 1.50 कौटि रनिमोन, नाथाय रिलिज जानाय लोगो-लोगोनो बे सावथुना 6 कौटि रनि कालेक्सन खालामदोंमोन। सावथुनाव बे बायदि एक्टिहो हानयनि थाखाय बिथाडा सावसिन फावखुंग्रिनि एवार्डबो मोन्दोंमोन।□

सत्यजित पुरिबो दंमोन। सावथुननि डायरेक्सनखौं राकेस रशानआ खालामदोंमोन। अदेबानि सल'खौं महन काल आरो रबि कापुरआ लिरेदोंमोन। बे सावथुननि सल'आ फिसाय थैजानाय आरति एबा रेखा नि सायाव बिथा खालामनाय। आरतिनि फिसायआ थैयो आरो

बिथाड गावनि सानै गथ'फोरजें लोगोसे थायो। नाथाय बे समावनो बिथांनि जिउआव सन्जय बर्मा एबा कबिर बेदिआ फैयो। जायनि उनाव बिथांनि जिउआ मोनसे गिखंधाव महाराव सोलायो। बिथाडा सन्जय बर्मानि फुस्तलयनायाव गोलैना नै बिथांजें जुलि जायो। बबेखानि

सन्जय बर्मानि नोजोर आरतिनि सम्पतिआव थायो। बिथाड गावनि गार्लफ्रेन्ड सनु वालियाजें लोगो नांनानै आरतिखौं जर जुलुमै बुथारो। सन्जय बर्माआ बिथांखौं डिडनिफ्राय नारखलाय हसनै बुथारो, जायनि उनाव गोलेरआ बिथांखौं गागलोबो। बे सिनआ

देखोगिरि एडी शिरनआ सितार दामनायनि मोनसे भिडिअ शेयार खालामदों

देखोगिरि एडी शिरन, जाय आथिखालाव गावनि मेतामेटिक्स टुरनि थाखाय भारतआव दड; बिथाड गिबि खेब सितार दामनानै गावनि मोनसे भिडिअ शेयार खालामदों। शुक्र बार, 7 फेब्रुवारीखालि इनस्टाग्रामआव एडीआ सितार दामनो सोलौंनय क्लिपखौं पस्ट खालामदों। एडीआ सितारआव गावनि 2017 नि हिट मेथाइ शेप अप इउखौं दामदों। सितार दामगिरि मेघा रवतआ बिथांखौं गाड खालामदों। सानैजें मेथाइबो रोजाबदों। क्लिपआव एडीआ गावनि आथिंखौं फायखबनानै जिरायनायमोन। बबेखानि मेघाआ बिथांनि खाथियाव जिरायनायमोन। बिथाड गोसोम गावनि टि-शार्ट आओ अलिभ ग्रिन गावनि पेट गान्नायमोन। क्लिप शेयार खालामनानै एडीआ लिरोदि, 'दिने गिबि



खेब सितार दामबाय, सासे बयनिखुइ सावसिन फोरोगिरि दंमोन।' पस्टनि सायाव रिक्ट खालामनानै सासे अन्सायगिरिया बुलेदि, 'दानिया नोंथाड पन्डित एडी शिरनकरनि मुंजें मिबथि जासिगोन।' मोनसे क्रमेन्टआव लिरेदोंमोनदि, 'क्लाबआ मोजां मोन्नायखौं मोन्नायनि मोजां जायगा नड। एडीआ जायखि जाया हादतआव थाडोब्लानो

बेयावनि हारिमुजें गोरोबनो नाजायो। अदेबानि बिथाड मोनसे गोदान मिउजिक इनस्टुमेन्टजें लोगोसे फैगासिनो दड। बियो मोनसे गोदान इनस्टुमेन्ट सोलौंनयसिनो दड आओ बेखौं दिन्थिनो नागिरिदों।' एडीआ बुधवारखालि चेन्नाइयाव मिउजिकनि उस्काद एआर रहमानजें लोगोसे पारफर्मन्स

खालामदों। सानैबो अन्सायगिरिफोरजें बाश्चा सावरयनायनि अनगायै एडनि शेप अफ इउ आओ रहमाननि उर्वसिनि रिमिक्सबो रोजाबदों। गावनि पारफर्मन्स होनायनि उनाव एडीआ इनस्टाग्रामआव रहमानजें लोगोसे जौसा शेयार खालामना मान मोन्नायनि थाखाय साबायख'रबो बाउबो।□

राजेश खान्नाया 'आखिरी खत' सावथुननिफ्राय सावथुन मुलुगाव डेब्यु खालामदोंमोन

हिन्दी सावथुननि आगुनि सुपरस्टार राजेश खान्नाआ आथिखालाव जॉनि गेजेराव गेलियाब्लोबो बिथांनि सावथुनफोरनि समाइना मेथाइफोरा दिनैसिम जॉनि गोसोआव थांनानै दड। राजेश खान्नाआ 1966 माइथायाव चेतन आनन्दनि सावथुन 'आखिरी खत' निफ्राय सावथुन मुलुगाव डेब्यु खालामदोंमोन। बेनि उनाव 'काका' आ माब्लाबाबो उन फासे गिदिनानै नाहरफिनाखैमोन। हिन्दी सिनेमायाव राजेश खान्नानि मोनसे सम दंमोन, जेव्हा बिथांनि उनाव अन्सायगिरिफोरा गोलाव लाइन जानानै थायोमोन। राजेश खान्नाआ सिगां ओरैबायदि सासे स्टारमोन, जाय लाग्जारि कारआव गाखोना सुटिआव थाडोमोन। मख'नो गोनांदि, हिन्जावफोर बिथांनि कारखौं किस खालामनानै लिपस्टिकजें गोजा गाब फोनांनो होयोमोन। राजेश खान्नाआ माखासे एवार्ड



बान्थाबो मोन्दों, जायनि मोनसे भिडिअअ सशेल मिडियाआव भाइरेल जागासिनो दड। बे भिडिअआव फावखुंग्रि पुनम दिल्ली'आ स्टेजनिफ्राय बुंदेंदि, सुपरस्टार राजेश खान्ना मुंजें गाबजिजानायाव राजेश खान्नाआ स्टेजआव गावनि बान्थाखौं लायनो थाडो। मुजिथावना बाश्चाया बेनोदि, राजेश खान्नानो बे बान्थाखौं गावनि बिसि डिम्ल कपाइयाआनो बिथांनो होदोंमोन। बिसिनि आखाइनिफ्राय बान्था आजावनायनि उनाव राजेश खान्नाआ बुडोदि, आं

इशोरनिफ्राय रोजा-रोजा साबाइख'रबाउबो। अदेबानि बे भिडिअआ आथिखालाव भाइरेल जागासिनो दड।'काका' नि अन्सायगिरिफोर बिथांनि समखौं गोसोखानानै इसनेल जानानै क्रमेन्टआव पस्ट खालामदों। सासे अन्सायगिरिया लिरोदि, राजेश खान्नाआ सासे मोजां फावखुंग्रिमोन। गुबुन सासेया लिरोदि, एभारग्रिन सुपरस्टार। बे भिडिअआव 'काका' नि अन्सायगिरिफोर क्रमेन्ट बक्सआव गोजा हार्ट इमजिबो पस्ट खालामदों। मख'नो गोनांदि, राजेश खान्नाखौं जोबथा

खेब 'रियासत' सावथुनाव नुनाय जादोंमोन। 18 जुलाई 2012 माइथायाव 69 बोसोर बैसोआव राजेश खान्नाआ रुंसारि जादोंमोन।□

मौसुमि चेटार्जिआ 'बालिका बधु' सावथुनजें बलिउडआव आगान होदोंमोन

माखासे ओरैबायदि फावगिरिफोर दं, जायफोरा गावसिनि दिन्थिफुनाय आओ रेंग'थि गोनां एक्टिनि थाखाय सावथुन मुलुगाव जायगा आवग्रिनो हादों। बिथांमोननि जाफुसारायजें लोगोसे पारसनेल लाइफ आबो सुबुंफोरनि नोजोरखौं बोनो हादों। बिब्दिनो सासे फाखुंग्रि दं, जायनि मुंआनो जादों मौसमि चेटार्जि। मौसमिआ गावनि केरियारखौं लानानै जेसेबां खौरआव थादों, एसेबांनो जेनायावबो थादों। मौसमि चेटार्जिआ 1967 आव श्याम बेनेगलनि बालिका बधुनिफ्राय बलिउडआव डेब्यु खालामदोंमोन। बेनि उनाव



कोटि रनि बाजेटआव बानायनाय मोनसे फिसा लाभ स्ट्रिआ सुबुंफोरनिफ्राय सरासनख्त्वा रिस्पन्स मोन्दोंमोन। आथिखालाव बेनि आइएमडिबि रेटिआ 3.1।□

बिथांजें बिथाडा सानै फिसाजोफोर दं, पायल आओ मेघा चेटार्जि। जर'खा बाश्चाया बेनोदि, मौसमि चेटार्जिआ गावसिनि समनि मुंदांखा फावखुंग्रु देब आनन्दजें गोथौ सोमोन्दो दंमोन। गावनि मोनसे इन्टारभिउआव बिथांआ सुपर स्टारनि फासे गावनि मोजां मोन्नायखौं फोरमायो, बिथांखौं गावनि मोजां मोन्नाय फावखुंग्रुफोरनि मादाव सासे होन्ना नै मिबथि होयो आओ गनायोदि, बिथांआ बिथांखौं जोबोद मोजां मोनोमोन। बबेखानि 1980 माइथायसिमाव बिथांनि बिफाव होनाया हिन्दी आओ बांला सावथुन मोन्नायावबो

हेफाजाबगिरि बिफावआव सोलायो। माखासे इन्टारभिउआव बिथांआ फोरमायोदि, माब्रैहाय गावनि आखुनि थाखाय जेब्लायबो बिथांखौं सावथुननिफ्राय रिप्लेस खालामनाय जायोमोन। बिथांआ मिबथि होयोदि, देश प्रेमि आओ बरसात की एक रात, बायदि गिदिर सावथुनफोराव कन्ट्रेक्स साइन खालामनायनि जाउनवाबो बिथांखौं रिप्लेस खालामदों। मौसमि चेटार्जिखौं जोबथा खेब 2015 आव नुजाथिनाय सावथुन 'पिकु' आव अमिताभ बच्चन दिपिका पादुकण आओ इफान खानजें लोगोसे नुनो मोन्दोंमोन।□

जया बच्चनजें लोगोसे स्टेजआव जिरायनाय नुनो मोन्दों। बिनि उनाव बिथांआ बेवहाय जिरायनानै बांला रावआव रायज्जलायनानै अडियन्सफोरजें सोमोन्दो लायो। श्रेया धपाल आओ तनिषा

फावखुंग्रि मनिषा कैरालाआ 'लाभ स्ट्रि' सावथुननि थाखाय जोबोरैनो रायखां जादोंमोन

मनिषा कैरालाआ जेब्लायबो गावनि कलासि आओ एलिगेन्ट बिफाव होनायनि थाखाय मिबथि जायो, नाथाय बिथांआ गावनि केरियारआव मोनसे ओरैबायदि सावथुन गादों, जायनि थाखाय बिथांआ गोबा खौरआव थादोंमोन। 2002 माइथायाव 'लाभ स्ट्रि' मुंनि मोनसे सावथुन नुजाथिदोंमोन। 2 घन्टा, 2 मिनिटनि बे सावथुनाव मनिषाआ वल्ड आउटफिट आओ इन्टिमेन्ट सिन होदोंमोन। मनिषा बायदि फावखुंग्रिखौं रवबो बे बायदि फाव खालामनो हागोन होन्ना नै सानाखैमोन। शशिलाल के. नायरनि गेजेरजें डायरेक्सन खालामजानाय बे सावथुनाव मनिषा कैरालाजें लोगोसे आदित्य सिल, सरज भार्गव आओ रणबि रशौरिआ गाहाइ फावआव दंमोन। सल'खौं



किशर मुनि सासे हौवानि सायाव बिथा खालामनाय जादों, जाय गावनि खाथिनि एपार्टमेन्टआव थाग्रा सासे आइजोजें एट्रेक्ट जायो। बिथांआ सिखावै दुरबिनजें बिखौं नायहरो, आओ बिनि हाबाफारिफोरनि सायाव नोजेर लाखियो। बिथांनि मोजां मोन्नाया ओरैबायदि बांनो हम्पेदि, बिथांआ जेब्लायबो बिनि खाथियाव थानो लुबैयो। बबेखानि, सानसेखालि बिथांआ बिखौं एबा आइजोखौं गुबुन

हौवाजें लोगोसे इन्टिमेन्ट रिलेशनआव नुयो, जायजें बिथांनि गोसोआ बायगिलयो। बिथांआ गावनि फिलिंग्सखौं सामलायनो हाया जायो आओ बिथांआ बिखौं होसोयो। मनिषानि बल्ड सिनआ बै समाव जोबोद जेंना सोमजिहोदोंमोन। सावथुननि माखासे सिनखौं ओरैबायदि बल्ड मानिनाय जायोदि, बेखौं नख'रजें जयै नायजा थावआमोन। बबेखानि, 1.5

ऐश्वर्य राय बच्चननि गोजाम भिडिअ क्लिपआ बयखौबो सोमो नांहोदों

ऐश्वर्य राय बच्चनआ बलिउडनि बयनिखुइ समाइनसिन आओ मुंदांखा फावखुंग्रिफोरनि मादाव सासे। मिस वल्ड जानाय ऐश्वर्य रायआ गिदिर पडांआव गावनि गोखें एक्टिजें लोगोसे मोसनाय आओ फेसननि थाखाय नायगिरिफोरनि गोसोआव जायगा बानायनो हादों। आथिखालाव ऐश्वर्य रायआ सावथुन केरियारनिखुइ बांसिन गावनि पारसनेल लाइफनि थाखाय खौरआव थायो। थांनय

माखासे सानिफ्रायनो ऐश्वर्य आओ अभिषेकनि सोमोन्दो गात्रि जानाय आओ गावस्त्रालायनाया मिडियाआव गोबां खेब खौरआव थादों। माखासे सशेल इन्टिफोरव अभिषेक बच्चनखौं नख'रजें लोगोसे नुनो मोनोब्ला, फारसेथि ऐश्वर्यखौं फिसाजो आराध्याजें लोगोसेसो बांसिन इन्टिफोरव नुनो मोनो। बेनि गेजेराव ऐश्वर्यनि मोनसे गोजाम भिडिअया सोरंआव फैदों, जेराव बिथांखौं मोनसे इन्टिआव बांला



रायज्जलायनाय नुनो मोन्दों। बिथांजें लोगोसे गासै बच्चन नख'रखौंबो इन्टिआव नुनो मोन्दों। थ्रबेक भिडिअयाव ऐश्वर्य राय बच्चनखौं फिसाइ अभिषेक, अमिताभ बच्चन आओ

जया बच्चनजें लोगोसे स्टेजआव जिरायनाय नुनो मोन्दों। बिनि उनाव बिथांआ बेवहाय जिरायनानै बांला रावआव रायज्जलायनानै अडियन्सफोरजें सोमोन्दो लायो। श्रेया धपाल आओ तनिषा

मुखार्जिखौं अडियन्स सेक्सनआव जिरायनाय नुनो हागौ। बबेखानि बे गोजाम भिडिअ क्लिपआ 20 थि कलकाता इन्टरनेशनल फिल्म फेस्टिबेल्नि बेखेवनाय हाबाफारिनि। सोनाब बंगनि गिबि मन्थ्र ममता बेनार्जीजें लोगोसे अमिताभ बच्चन, जया बच्चन, ऐश्वर्य राय, अभिषेक आओ शाहरूख खानआ बे इन्टिआव वाहागो लादोंमोन। बे फिल्म फेस्टिबेल्खौं 2014 माइथायनि नभेम्बर दानआव खुंफुनाय जादोंमोन।□

सासिल ब्रादर्सआ आइ लीगआव गकुलाम केरेला एफसिखौ फेजेन्नाने गिबि सिरिआव

गोदान दिल्ली, 8 फेब्रुवारी: सासिल ब्रादर्सनि हान्जाया आइ लीग 2024-25 आव गावसोरनि गोहोम गोनां दिन्धिफुनायखौ फारियै लाखिदों। बिथामोननि हान्जाया गवानि रया फोथारआव गेलेनाय मेचआव गकुलाम केरेला एफसिखौ 2-1 गलआव फेजेन्नाने गावसोरनि मासिखौ गोखौडे लाखिदों। बे मेचआव देरहागिरि हान्जाया 1 गलनि फारागथिआव देरहादोंब्लाबो गोबां मुलाम्फा मोन्दों। देरहानाय हान्जानि जानानै लालरेमरुवाता राल्ते आरो किं सली फानािन्डीजआ मेचनि 13 आरो 26 मिनटआव गल सोदों। जेराव बिथामोननि बे गलजौनो हान्जाया टप मासिआव



गावसोरनि जायगाखौ गोखोंसिने लाखिदों। बे हान्जाया नामधारि एफसिनिफ्राय 2 पइन्ट सिगाडव दड। जेराव नामधारिनि हान्जाया बे खेबआव शिलं लाजं एफसिनि

हेंथाये गावसोरनि 13 थि आउटि मेच गेलेगोन। गुबुन फारसे गकुलाम केरेलानि जानानै एम सुरेशआ मेचनि उफ्रा समाव फारागथिखौ बाडइ खालामनो हादोंब्लाबो गुबुन गेलेगिरिफोरनि

मदद मोनाखे। सासिल ब्रादर्सआ गावसोरनि बे देरहानायजौं बिर्मुनि फारसे लासैये

आवगायगासिनो दड। बे मेचआव देरहागिरि हान्जाया गोब्राब सेलेन्ज मोन्दोंब्लाबो जेबनायसिमआव गावसोरनि डिफेन्सखौ मोजाडे सामलायदों। जेराव बे हान्जाया दासिमआव गावसोरनि केम्पेइनआव खेब 8 देरहाबाय। गुबुन फारसे गकुलामनि थाखाय बेयो नैथि जेन्नानाय। बे मेचआव जेन्नानाय हान्जाया खेब 6 शट होनो खाबु मोन्दोंब्लाबो देरहानो हायाखे। जाउनाव हान्जाया पइन्टनि फारिआवबो मुलाम्फा लानो हायाखे। सोलिफु समाव हान्जाया 19 पइन्टजौं 6 थि थावनिआव जायगा मोनाने दड।

एनआरएलएफएआ बरदलै टूफ्रीआव आसाम पुलिसखौ फेजेन्दों

गुवाहाटी, 8 फेब्रुवारी: एनआरएलएफएनि हान्जाया साइ कमप्लेक्सआव खुंजानाय 70 थि बरदलै टूफ्री फुटबल सेमिपयनसिप (कामरुप मेट्र) आव आसाम पुलिसनि हान्जाखौ गोखों सेलेन्जनि गेजेरजौं 3-2 गलआव फेजेन्दों। बे मेचआव देरहानाय हान्जानि जानानै सन्जय कुमार, दामालां आरो पापु देवरिआ मेचनि 35, 42 आरो 70 थि मिनटआव गल सोदों। गुबुन फारसे पेसरि अरदाअ आरो रिपुन्जय देवरिआ जेन्नानाय हान्जानि जानानै गिबि हाफ आरो 88 थि मिनटनि



इन्जुरि समाव गल सोदों। बे खेबआव गुवाहाटी टाउन क्लबाआ सनापुर एसएजौं मोगा-मोगिआव ओंखारोनो। मख'नाय जायोदि, बे मेचआव जागायजेनायनिफ्रायनो मोननैबो

हान्जाया गोब्राबे दिन्धिफुनायजौं जागायदों। अब्लाबो जेबथा बुब्लिसिमआव आसाम पुलिसनि हान्जाया गावसोरनि फर्मखौ लाखिनायाव फेलें जाहैदों।

फिफाआ पाकिस्तान फुटबल फेडारेसनखौ सास्पेन्ड खालामदों

इस्लामाबाद, 8 फेब्रुवारी: इन्टरनेसनल फेडारेसन अफ एस'सिएसन फुटबल (फिफा) आ पिएफएफ संबिजितनि सोदांनयखौ नाजावनायाव फेलें जानायनि थाखाय पिएफएफ कं ग्रेसनिफ्राय मोजां बिसायख थिनि लामाखौ गोलें खालामनायाव फेलें जानायनि थाखाय पाकिस्तान फुटबल फेडारेसनखौ हरखाबे गोहोमजों बेन फोसावदों। फिफाआ फोसावलाइनि गेजेरजौं पिएफएफ कंग्रेसआ पिएफएफ संबिजितनि सोदांनय आरो सोदांनय रोखोमखौ गनायथि होयोब्लासो आरो नाजावनाय लायोब्लासो पिएफएफनि सायाव फोसावनाय बे गोहोमखौ बोखानाने लाफिनगोननि बाश्चा बुदों। फोसावलाइआव फिफाआ पिएफएफनि संबिजितनि मोनसे रोखोमखौ नाजावनायाव फेलें



जानायखौ फोरमायनाने बेनि थाखायनो पाकिस्तान फेडारेसननि सायाव गोखों थिरांथा लानायखौ फोरमायदों। लोगोसे मोजां नेमखान्थिखौ लाखिलानायनि असिल्लायै पाकिस्तान फेडारेसननि सायाव लानाय बे थांखिखौ फोरमायो। मख'नाय जायोदि, पिएफएफ

कंग्रेसआ फिफा आरो एएफसिजों फोसावजानाय पिएफएफ संबिजितनि रोखोमखौ गनायथि होनायसिमहालागै एबा

नाजावनायसिमहालागै गावसोरनि बे गोहोमखौ बोखारनाय नडा। फिफाजौं पिएफएफखौ दैन्थ'नाया हादरनि

थान्दै थि खालामनाय आरो हारिमायारि फोथारआव गेलेनायनि मिजिं आव पाकिस्तानआ हेँथा मोन्दों। जाउनाव पाकिस्तान फेडारेसनआ नेमखान्थिखौ आजावनाय समहालागैसिम बे जेन्नानिफ्राय बारग'नाय नडा। फिफाजौं थिसनजानाय पिएफएफ नर्मैलाइजेसन क-अर्डिनेसननि मासिगिरि हारुन मालिकआ हारिमायारि गोरोबलायनायनि नेसनेल एसेमब्लि स्टैन्डि कमिटीनि सिगाडव बे थिरांथा लानायनि सायाव खुगा बेखेवदों। लोगोसे कमिटीखौ गोनांथिनि सायाव बे आयदाखौ लानाने सुखानाय राहा लानो खावलायदों।

लियनेल मेसिनि फिसाज्लाआ मोनसे मेचआव 11 गल सोनो हादों



व्युन्सआयार, 8 फेब्रुवारी: फुटबलनि मुलुगआव सोलिफु समावबो मेसिनि मुडा मुलुगनाडेनो गोसारनाने दड। बेबादिनो फेनो गोनां समफोरावबो मेसिनि फिसाज्लाआबो बिफाबादि मुदांखा जाहैनो हागौ। मानोना बिथानि फिसाज्लाआ सोलिफु समाव माखासे मेचफोराव मोजाडे दिन्धिफुनासिनो दड। मख'नाय जायोदि, बिथानि फिसाज्ला थियाग'मेसिआ उन्दै बैसोआवबो फुटबलनि मुलुगआव मुदांखा जादों। इयुथ

फुटबलआव आन्डार-13 केटेगरिआव बिथाड मोजाडे दिन्धिफुदों। जेराव इयुथ फुटबलनि मोनसे मेचआव बिथाड 11 गल सोनो हादों। इन्टरमियामिनि आन्डार 13 हान्जानि जानाने गेलेनायाव आटलान्य इनाइटेडनि हेँथाये मोनसे फिसा मेचआव 11 गल सोदों। जेराव बिथानि बे मददजौंनो हेगन्सआ आन्डार-13 एमएलएस कापआव 12-0 स्करआव देरहादों। हान्जानि जानाने गुबुन गरसे गलखौ डिण' लुना जुनियरआ सोदों।

बिफा बादि मेसिनि फिसाज्लाआबो मिडिफिल्डआव गोखौडे दिन्धिफुडो। बक्सनि बाइजोआव गोबां मुलाम्फा लानायनि अनगायैबो 12 बोसोर बैसोनि थिएग'आ गोखों शटजों अन्सायिगिरीफोरखौ सोमोनाहोदों। बिथाड 2023 आवसो इन्टरमियामि एकाडेमिआव जइन्ट जादों। जेराव बै बोसोरवनो लियनेल मेसिआ पिएसिजौं गावनि रादाइखौ सिफायदोंमोन। मियामिआव जइन्ट जानायनि सिगं थियाग'आ माखासे सिजननि थाखाय बासिलनानि लाइमोन हान्जानि थाखायबो माखासे मेच गेलेबोदों।

गुकेशआ फ्री स्टाइल चैसआव खेबथाम डू मेच गेलेनांदों

गोदान दिल्ली, 8 फेब्रुवारी: वर्ल्ड सेमिपयन डि गुकेशआ चैसनि गोदान इभेन्ट फ्री स्टाइल ग्रेन्डस्लेम टुर्नामेन्टआव जेनाय आरो देरहानायनि गेजेरजौं जागायदों। बिथाड गिबि खेबब्रे राउन्डआव खेबथाम डू गेलेदों आरो फ्रान्सनि अलिरैजा फिर'जाजौं खेबसे जेन्नानों। बे फारिआव बिथाड नदिबैक आब्दुसतारभजौंबो डू गेलेदों। लोगोसेनो थामथि आरो ब्रैथि राउन्डआव आमेरिकानि लेबन एर'नियन आरो उन्बैकस्तानि जाभ कीर सिन्दरभजौं डू गेलेदों। ग्रुप स्टेजआव आरोबाव खेबबा राउन्डनि मेच गेलेनांगो दंबावो। जाउनाव जानो गोनां स्टेजआव गुकेशआ मोजाडे दिन्धिफुडोब्लासो सा 10 बादायारिफोरनि गेजेराव टप 8



आव गोलैये जायगा मोनगोन। टप 8 आव सौहैनयनि थाखाय बिथाडा बे खेबनिफ्रायनो मोजाडे दिन्धिफुनांगोन। फेभियान' कारुआना आरो सिन्दरभनि मुडाव 3.5-3.5 पइन्ट थिसनजानाने दड। जेराव बे पइन्टजौंनो बिथामोनहा जुथाये टप मासिआव जायगा मोनो। मुलुगनि नम्बर 1 मेगनास कार्लसनआबो खेबनैये जेनाय

आरो देरहानाय थिसन्दों। मख'नाय जायोदि, चैसनि बे गोदान फर्मेटआव कार्लसन आरो जार्माननि हेन्ड्रिक बिउटलरआ गावसोरनि मोजां दिन्धिफुनायखौ लाखिनायाव फेलें जादों। जेराव बे फर्मेटआव पीसफोरखौ थिखानाय जायगानि सोलायै गुबुन गुबुन जायगायाव लाखिनाय जायो।

साइराज बहुतुलेआ राजस्तान रयेलसजौं बाहागो लानो थियारि जाबाय

गोदान दिल्ली, 8 फेब्रुवारी: आइपिएल 2025 नि सिगां भारतनि बारग' क्रिकेटर साइराज बहुतुलेआ राजस्तान रयेलसजौं स्पिन बलारनि कच महरै बाहागो लानो साखा-फारा जाबाय। बिथाड 2018-21 सिमआव राजस्तान रयेलसजौं हाबा मावबोदों। बेंगालुरूआव नेसनेल क्रिकेट एकाडेमिआव बिथाड गावनि बिबाननिफ्राय रिजाइन होबाय। बहुतुलेआ राजस्तान रयेलसजौं गावनि हाबा मावनो मोनगोनखौ लानाने गोजोन्नाय फोरमायदों। मख'नाय जायोदि, बिथाड 2023 आव बर्डार गाभास्कार टूफ्रीआव बलिं कच महरै हाबा मावनायनि रेंगथि गोनां। रिपर्टनि बादिल्ला, बिथाड निउजिलेन्डनि बलार कच सेन्ट बन्द आरो गाहाइ कच राहुल द्राविडजौं जुथायै हाबा मावगोन। जेराव सिगां समाव बिथाड द्राविडजौं हाबा मावखांबाय। जेराव बै समाव बिथाडा भारतीय हान्जानि गाहाइ



कचमोन। बिथाड टी-20 वर्ल्ड काप 2024 नि उनाव कच महरै गावनि मावनाय सम सिमनाखौ बारायाखै आरो राजस्तान रयेलसनि कच महरै बिबान लादोंमोन। भारतनि बारग' क्रिकेटर साइराजआ खौरंगिनि मोगा-मोगिआव फ्रेन्साइजी हान्जाजौं गावनि रोखा रादाइ खानो थियारि जानायखौ फोरमायदों। जेराव गावनि बे रादाइखौ थाबैनो जेबथा महर होसिगोन होन्ना बिथाड रोखा खालामदों। 2001 आव बिथाड टेस्ट क्रिकेटआव डेब्यु

खालामदोंमोन। बेनि उनाव बिथाडा खेबनै हान्जानि थाखाय टेस्ट मेच गेलेनायाव 39 रान आरो 3 उइकेट लादोंमोन। गासै खेब 8 वन्डे मेच गेलेनायाव 23 रान आरो 2 उइकेट लादोंमोन। नाथाय फास्ट क्लास क्रिकेटआव बिथानि दिन्धिफुनाया थारैनो सोमोनांथाव जेराव खेब 188 फास्ट क्लास मेचफोराव बिथाडा 6176 रान लादों। जेराव बिथाड खेब 9 सेन्सुरि लानायनि अनगायैबो 630 उइकेट लानो हादों।

हारिमायारि मेडेल देरहानाय जुनियर एथलीटफोरा नोगोद राडारि बान्था मोननाय नंला



गोदान दिल्ली, 8 फेब्रुवारी: हादरनाडेनो बांनाय डपिं केस आरो बैसोयारि केटेगिआव थगायनाय केसआव होबथानायनि थाखाय गेलेमु मावख'आ मोनसे गिदिर थिरांथा लादों। हारिमायारि मेडेल देरहानाय जुनियर एथलीटफोरा बे खेबनिफ्राय सरकारनिफ्राय नोगोद राडारि बान्था मोननाय नंला। जेराव मिरु गेलेमु मावख'निफ्राय फोसावनाय बे गोहोमआ थांनाय गिबि फेब्रुवारी दाननिफ्राय गोहोमआव फेदों। बे समाव गोजाम नेमखान्थिखौ आवुडैनो नेवसिगारनायनि बाश्चा बुदों। गोजाम नेमखान्थि बादिल्ला, जुनियर वर्ल्ड सेमिपयनसिपआव सनानि मेडेल देरहानाय गेलेगिरिआ फ्राय 13 लाख रं मोनोमोन। जेराव एसियान गेम्स एबा कमनवेल्थ गेम्सआव गिबिआव जायगा मोननाय गेलेगिरिआ नोगोद 5 लाख रं बान्था मोनोमोन। गेलेमु मावख'निफ्राय नायबिजिरनायनि गेजेरजौं बे थिरांथाखौ लानाय जायो। जेराव बिफाननिफ्राय भारतआव'बेबादि सिस्टेमखौ लाखिबोनाय जाबोदोंमोन होन्ना फोरमायनाने बे खेबनिफ्राय जुनियर गेलेगिरिफोरनो बान्थाखौ होनाय जानाय नंला होन्ना रोखा खालामो।

गोदान दिल्ली, 8 फेब्रुवारी: हारियानाआ सोलिफु नेसनेल गेम्सआव आसारी इभेन्टआव मोजाडे दिन्धिफुदों। जेराव हौवा आरो आइजोफोरनि इन्डियान राउन्ड टीम इभेन्टआव हारियानाआ गंनै सनानि मेडेल देरहादों। हारियानानि यमु, आशिश मालिक, राहुल आरो रबिआ इन्डियान राउन्डनि आसारी इभेन्टआव हौवाफोरनि टीम इभेन्टआव देरहादों। उत्तर प्रदेशनि शुभम, मनिष, जयदीप कुचबाह आरो अधिपेकआ सिलभार आरो महारास्ट्रनि गौरभ सन्जयराव, रशन नारायण, अनिकेत महेन्द्र आरो पवन यादवआ ब्रन्ज मेडेल देरहादों। आइजोफोरनि टीम इभेन्टआव हारियानाआ मोजाडे दिन्धिफुदों। जायनि फारिआव



निकिता, दिव्या, मनिका आरो काजलआ सनानि मेडेल देरहानो हादों। मनिपुरनि लाइप्राकपम, रजिना देवि, मइरंतेन देवि, मिलेनिया आरो हेकुजं रसिना देविआ सिलभार मेडेल देरहादों। जायनि फारिआव छतिसगुनि सान्दनी साहु, सुलसना राज, शुसिला नेताम आरो हर्षिता साहनी हान्जाया ब्रन्ज मेडेल देरहादों। भारतीय रैनियाआ शुक्रवारसिमआव गं 10 सनाजौं गावसोरनि आगानखौ फारियै सिगांसिनै आवगायदों। मख'नाय जायोदि, रैनियानि हान्जाया 2023 आव नैथि मासिआव थानायनि सिगां 2007, 2011, 2015 आरो 2022 आव लांश्रियै खेबब्रे गेम्सआव टप मासिआव थाबोदोंमोन।